

四庫全書

史部

欽定四庫全書

資治通鑑卷一百六十八 宋 司馬光 撰

胡三省 音註

陳紀二

起上章執徐盡玄  
默敦牂凡三年

世祖文皇帝上

諱禧字子華高祖兄  
始興王道譚之長子

天嘉元年春正月癸丑朔大赦改元 齊大赦改元乾

明 辛酉上祀南郊 齊高陽王浟以滑稽便辟有寵

於顯祖

浟常職翻史記索隱曰滑稽謂亂也稽同也以言  
辯捷之人言非若是言是若非能亂同異也楚

辭將突梯滑稽如脂如韋崔浩云滑音骨滑稽流酒器也  
轉注吐酒終日不已言出口成章詞不空竭若滑稽之  
吐酒故揚雄酒賦云鷓鴣夷滑稽腹如大壺盡日盛酒人  
復藉沽是也又姚察云滑稽猶俳諧也滑讀如字稽音  
計以其言語滑稽智計捷出故云滑稽也尹焞曰便辟  
足恭也朱元晦曰便辟謂習於威儀而不直便毘連翻  
辟匹亦翻常在左右執杖以撻諸王太皇太后深銜之及顯

祖殂湜有罪太皇太后杖之百餘癸亥卒辛未上祀

北郊齊主自晉陽還至鄴二月乙未高州刺史紀

機自軍所逃還宣城

軍所侯瑱  
軍前也

據郡應王琳湮令賀當

遷討平之王琳至柵口

柵口在濡須口之東水導巢湖  
今謂之柵江口宋白曰廬州東

南至柵口三百九十里今謂之新婦口侯瑱督諸軍出屯蕪湖瑱他句翻

相持百餘日東關春水稍長長知舟艦得通琳引合肥

淩湖之衆舳艫相次而下舳戶翻翻淩音巢又軍勢甚

盛瑱進軍虎檻洲琳亦出船列於江西隔洲而泊明日

合戰琳軍少却退保西岬少詩及夕東北風大起吹其

舟艦並壞沒於沙中浪大不得還浦及旦風靜琳入浦

治船治直瑱等亦引軍退入蕪湖周人聞琳東下遣都

督荆襄等五十二州諸軍事荊州刺史史寧將兵數萬

乘虛襲郢州孫瑒嬰城自守

去年王琳東下留孫瑒守郢州將即亮翻瑒雉杏翻

又音暢

琳聞之恐其衆潰乃帥舟師東下去蕪湖十里而

泊擊柝聞於陳軍

帥讀曰率柝他各翻聞音問

齊儀同三司劉伯球

將兵萬餘人助琳水戰行臺慕容恃德之子子會將鐵

騎二千屯蕪湖西岍為之聲勢

騎奇寄翻

丙申瑒令軍中晨

炊蓐食以待之時西南風急琳自謂得天助引兵直趣

建康

趣七喻翻

瑒等徐出蕪湖躡其後西南風翻為瑒用琳

擲火炬以燒陳船皆反燒其船

逆風而用火攻此王琳所以敗也

瑒發

拍以擊琳艦

戰船前後置拍竿以拍敵船

又以牛皮冒蒙衝小船以

觸其艦并鎔鐵灑之琳軍大敗軍士溺死者什二三

溺奴

狄翻

餘皆棄船登岬為陳軍所殺殆盡齊步軍在西岬者

自相蹂踐並陷於蘆荻泥淖中

蹂人九翻踐慈演翻淖奴教翻淖泥也

騎

皆棄馬脫走得免者什二三擒劉伯球慕容子會斬獲

萬計盡收梁齊軍資器械琳乘舴艋冒陳走

舴音格艋音猛陳

陣讀曰

至湓城欲收合離散衆無附者乃與妻妾左右十

餘人奔齊先是琳使侍中袁泌

先悉薦翻泌昆必翻又兵媚翻考異曰北齊

書作長史袁泌今從陳書

御史中丞劉仲威侍衛永嘉王莊及敗左

右皆散泌以輕舟送莊達於齊境拜辭而還遂來降

還從

宣翻又如字降戶江翻下同

仲威奉莊奔齊泌昂之子也

袁昂著名節於齊梁

之樊猛及其兄毅帥部曲來降

自此江南皆為陳有矣帥讀曰率

齊

葬文宣皇帝於武寧陵廟號高祖後改曰顯祖 戊戌

詔衣冠士族將帥戰兵陷在王琳黨中者皆赦之隨材

銓叙

將即亮翻帥所類翻

己亥齊以常山王演為太師錄尚書

事

此鄴省尚書也

以長廣王湛為大司馬并省錄尚書事

晉陽并州

故曰并省  
并必經翻

以尚書左僕射平秦王歸彥為司空趙郡王

叡為尚書左僕射詔諸元良口配没入官及賜人者並

縱遣

去年齊顯祖夷諸元没其家口  
今縱遣良口奴婢仍不縱也

乙巳以太尉侯

瑱都督相巴等五州諸軍事鎮湓城 齊顯祖之喪常

山王演居禁中護喪事妻太后欲立之而不果太子即

位乃就朝列

朝直  
遙翻

以天子諒陰詔演居東館

東館蓋在  
鄴宮昭陽

東欲奏之事皆先咨決楊愔等以演與長廣王湛位地

親逼恐不利於嗣主心忌之居頃之演出歸第

考異  
曰北齊



書孝昭紀云除太傅錄尚書朝政皆決於帝月  
餘乃居藩邸今從楊愔傳 藩邸常山第也 自是詔

敕多不關預或謂演曰驚鳥離巢必有探卵之患

離力智翻

探吐南翻今日王何宜屢出中山太守陽休之詣演演不見

休之謂王友王晞曰昔周公朝讀百篇書夕見七十士

猶恐不足錄王何所嫌疑乃爾拒絕賓客

演以常山王錄尚書事故

稱為錄王先是顯祖之世羣臣不自保

先悉薦翻

及濟南王立

禮子演謂王晞曰一人垂拱吾曹亦保優閒因言朝廷

寬仁真守文良主晞曰先帝時東宮委一胡人傳之今

春秋尚富驟覽萬機殿下宜朝夕先後

先悉薦翻  
後戶邁翻

親承

音旨而使他姓出納詔命大權必有所歸殿下雖欲守

藩其可得耶借令得遂冲退自審家祚得保靈長乎

家祚

猶云國祚也演以叔父之親與國同休等戚  
故言家祚王晞勸常山傾大宗其來久矣演默然久

之曰何以處我

處昌呂翻

晞曰周公抱成王攝政七年然後

復子明辟惟殿下慮之演曰我何敢自比周公晞曰殿

下今日地望欲不為周公得邪演不應顯祖常遣胡人

康虎兒保護太子故晞言及之齊主將發晉陽

發晉陽者嗣位

而詣時議謂常山王必當留守根本之地

高歡建大丞相府於晉陽

文宣席之以移魏鼎宿將勁兵咸在焉故以為根本之地執政欲使常山王從帝之

鄴留長廣王鎮晉陽既而又疑之乃敕二王俱從至鄴

外朝聞之莫不駭愕

朝直遙翻

又敕以王晞為并州長史演

既行晞出郊送之演恐有覘察

覘丑廉翻又丑艷翻

命晞還城執

晞手曰努力自慎躍馬而去平秦王歸彥總知禁衛楊

愔宣敕留從駕五千兵於西中

晉陽在鄴西故謂之西中從才用翻

陰備

非常至鄴數日歸彥乃知之由是怨愔領軍大將軍可

朱渾天和道元之子也

可朱渾道元自隴右歸高歡考異曰典畧云道元弟今從北

齊書

尚帝姑東平公主

齊主之姑則高歡之女也

每曰若不誅二王少

主無自安之理

少詩照翻

燕子獻謀處太皇太后於北宮

燕因

肩翻鄴城有北宮處昌呂翻

使歸政皇太后又自天保八年已來爵

賞多濫楊愔欲加澄汰

以水為諭也澄者去泥滓汰者去砂石

乃先自表

解開府及開封王諸叨竊恩榮者皆從黜免由是嬖寵

失職之徒盡歸心二叔

演湛皆齊主之叔

平秦王歸彥初與楊

燕同心既而中變盡以疎忌之迹告二王侍中宋欽道

弁之孫也

宋弁見任於魏孝文帝

顯祖使在東宮教太子以吏事

欽道面奏帝稱二叔威權既重宜速去之

去晃呂翻

帝不許

曰可與令公共詳其事

楊愔時為尚書令故稱之為令公

愔等議出二

王為刺史以帝慈仁恐不可所奏乃通啓皇太后具述

安危宮人李昌儀

昌儀意亦內職而北史后妃傳無之蓋太后女官之名

高仲密

之妻也

高仲密因妻而外叛事見一百五十八卷梁武帝大同九年

李太后以其同

姓甚相昵愛

昵尼質翻

以啓示之昌儀密啓太皇太后

史言謀及

婦人之禍

愔等又議不可令二王俱出乃奏以長廣王湛鎮

晉陽以常山王演錄尚書事二王既拜職乙巳於尚書

省大會百僚惜等將赴之散騎常侍兼中書侍郎鄭頤

止之

散悉亶翻  
騎奇寄翻

曰事未可量不宜輕脫

量音良

惜曰吾等

至誠體國豈常山拜職有不赴之理長廣王湛旦伏家

僮數十人於錄尚書後室

錄尚書後室錄尚書者宴息之所

仍與席上

勲貴賀拔仁斛律金等數人相知約曰行酒至惜等我

各勸雙盃彼必致辭我一曰執酒二曰執酒三曰何不

執爾輩即執之及宴如之惜大言曰諸王反逆欲殺忠

良邪尊天子削諸侯赤心奉國何罪之有常山王演欲

緩之湛曰不可於是奉杖亂毆

毆鳥口翻

惜及天和欽道皆

頭面血流各十人持之燕子獻多力頭又少髮

少詩沼翻

狼

狽排衆走出門斛律光逐而擒之子獻歎曰丈夫為計

遲遂至於此使太子太保薛孤延等執頤於尚藥局

五代

志尚藥局總知御藥事屬門下省後齊制也

頤曰不用智者言至此豈非命

也二王與平秦王歸彥賀拔仁斛律金擁惜等唐突入

雲龍門

唐突廣韻作僇侯不遜也今時謂干乘輿者為唐突

見都督以利騷招之

不進使騎殺之

叱利虜複姓

開府儀同三司成休寧抽刃呵

演演使歸彥諭之休寧厲聲不從歸彥久為領軍素為

軍士所服皆弛仗休寧方歎息而罷演入至昭陽殿湛

及歸彥在朱華門外

後齊禁中有朱華閣門下省領左右局領左右二人掌知朱華閣內

諸事宣傳已下白衣齋子已上皆主之又有左右直長四人朱華閣以外左右衛將軍各一人主之各武衛將

軍二人貳之御仗屬官直屬屬官直衛屬官直突屬官直閣屬官皆屬焉分為左右廂 帝與太皇

太后並出

太皇太后之下疑當更有皇太后三字

太皇太后坐殿上皇太

后及帝側立演以塼叩頭

塼朱緣翻範土為塼陶而成之

進言曰臣與



陛下骨肉至親楊遵彥等欲獨擅朝權

揚惜字遵彥朝直遙翻

威

福自己自王公已下皆重足屏氣

重直龍翻屏必郢翻

共相唇齒

以成亂階若不早圖必為宗社之害臣與湛為國事重

為於偽翻

賀拔仁斛律金惜獻武皇帝之業共執遵彥等入

宮未敢刑戮專輒之罪誠當萬死時庭中及兩廡衛士

二千餘人皆被甲待詔

被皮義翻

武衛娥永樂武力絕倫素

為顯祖所厚叩刀仰視

娥姓也後魏有娥清樂音洛叩刀者拔刀離鞘纔寸許

考異

曰北齊書作領軍劉桃枝今從北史

帝不睨之

睨研計翻邪視也

帝素吃訥

吃音訖吃

訥之由見上卷武帝永定三年倉猝不知所言太皇太后令却仗不退

又厲聲曰奴輩即今頭落乃退衛士被甲者皆退當未退之時使宇文覺處之

常山長廣身首分矣永樂內刀而泣太皇太后因問楊郎何在賀

拔仁曰一眼已出太皇太后愴然曰楊郎何所能為留

使豈不佳邪楊惜主壻故謂之楊郎留使留之以任使愴初亮翻乃讓帝曰此等

懷逆欲殺我二子演湛皆太皇太后之子次將及我爾何為縱之

帝猶不能言太皇太后怒且悲曰豈可使我母子受漢

老嫗斟酌妻太后鮮卑也李太后華族也故云然嫗威遇翻太后拜謝太皇太

后又為太后誓言演無異志但欲去逼而已

逼謂楊愔等以疏踰

戚故欲去之為於偽翻下敢為同去羗呂翻

演叩頭不止太后謂帝何不安

慰爾叔帝乃曰天子亦不敢為叔惜況此漢輩但勾兒

命兒自下殿去此屬任叔父處分

處昌呂翻分扶問翻

遂皆斬之

楊愔受託孤之寄不能尊主庇身者鮮卑之勢素盛華人不足以制之也

長廣王湛以鄭頤

昔嘗讒已

楊愔傳云湛以頤昔讒已作詔書

先拔其舌截其手而殺之

演令平秦王歸彥引侍衛之士向華林園

鄴都華林園魏武之舊也

以京畿軍士入守門閤

高歡遷魏主於鄴而身居晉陽以其子為京畿大都督防遏內



翻戊申演為大丞相都督中外諸軍錄尚書事

自後魏敬宗以

爾朱榮為大丞相後高歡復為之位絕羣后威權震主

湛為太傅京畿大都督段

韶為大將軍平陽王淹為太尉平秦王歸彥為司徒彭

城王浹為尚書令

浹夷周翻

江陵之陷也

見一百六十五卷梁元帝承聖

三年長城世子昌

武帝封長城公昌為世子

及中書侍郎頊皆沒於長

安高祖即位屢請之於周周人許而不遣高祖殂周人

乃遣昌還

高祖存而不遣高祖殂而遣還欲以間陳使兄弟爭國也

以王琳之難居

於安陸

王琳據中流昌還建康路梗故居安陸難乃旦翻

琳敗昌發安陸將濟

江致書於上辭甚不遜上不懌召侯安都從容謂曰

從干

翻客太子將至須別求一藩為歸老之地安都曰自古豈

有被代天子被皮義翻臣愚不敢奉詔因請自迎昌於是羣

臣上表請加昌爵命庚戌以昌為驃騎將軍湘州牧

驃匹

妙翻騎奇寄翻封衡陽王齊大丞相演如晉陽既至謂王晞

曰演從少帝還鄴晞為并州長史留晉陽不用卿言幾至傾覆今君側雖

清終當何以處我幾居依翻處昌呂翻下出處同晞曰殿下往時位地

猶可以名教出處今日事勢遂闕天時非復人理所及

晞勸演纂史究言之復扶又翻

演奏趙郡王獻為長史王晞為司馬三

月甲寅詔軍國之政皆申晉陽大丞相規算

詔演志也

周軍初至郢州助防張世貴舉外城以應之所失軍民三千餘口周人起土山長梯晝夜攻之因風縱火燒其內城南面五十餘樓孫瑒兵不滿千人身自撫循行酒

賦食士卒皆為之死戰周人不能克

史言千人一心雖大敵不能克郢人

之死戰不下者畏江陵之俘戮也為於偽翻

乃授瑒柱國郢州刺史封萬戶

郡公瑒偽許以緩之而潛脩戰守之備一朝而具乃復

拒守

復扶又翻

既而周人聞王琳敗陳兵將至乃解圍去場

集將佐謂之曰吾與王公同獎梁室勤亦至矣今時事

如此豈非天乎遂遣使奉表舉中流之地來降

將即亮翻使疏

吏翻降戶江翻

王琳之東下也帝徵南川兵江州刺史周迪高

州刺史黃法蕤帥舟師將赴之熊曇朗據城列艦塞其

中路

熊曇朗時據豫章蕤巨俱翻帥讀曰率曇徒含翻艦戶黯翻塞悉則翻

迪等與周敷

共圍之琳敗曇朗部衆離心迪攻拔其城虜男女萬餘口曇朗走入村中村民斬之丁已傳首建康盡滅其族



齊軍先守魯山戊午棄城走詔南豫州刺史程靈洗守

之甲子置沅州武州

梁置武州於武陵帝分荊州之義陽天門郡郢州之武陵郡置

武州督沅州領武陵太守治武陵郡其都尉所部六縣為沅州別置通寧郡以刺史領太守治都尉城省舊都

尉沅音元

以右衛將軍吳明徹為武州刺史以孫瑒為湘州

刺史瑒懷不自安固請入朝

史言孫瑒能自全朝直遙翻

徵為中領

軍未拜除吳郡太守壬申齊封世宗之子孝珩為廣

寧王

珩音行

長恭為蘭陵王

甲戌衡陽獻王昌入境詔

主書舍人緣道迎候

主書及中書舍人皆當時要近之職也

丙子濟江中

流殞之使以溺告

溺奴狄翻

侯安都以功進爵清遠公

以殺昌之

功也五代志南海郡翁源縣陳置清遠郡

初高祖遣滎陽毛喜從安成王頊

詣江陵梁世祖以喜為侍郎沒於長安與昌俱還因進

和親之策上乃使侍中周弘正通好於周

好呼到翻

夏四

月丁亥立皇子伯信為衡陽王奉獻王祀

昌諡曰獻

周世

宗明敏有識量晉公護憚之使膳部中大夫李安真毒

於糖餽而進之

周禮有膳夫唐六典紀前世官制沿革以後周之典庖中士為唐太官署令之

職肴藏中士為珍羞署令之職掌醢中士為掌醢署令之職獨不言膳部中大夫以類推之則後周之膳部中

大夫唐光祿卿之職也杜佑通典後周膳部中大夫屬  
冢宰六命又有膳部下大夫五命餽餅都回翻丸餅也江  
陵未敗時梁將陸法和有道術先具大餽薄餅及江陵  
陷梁人入魏果見餽餅蓋北食也今城市間元宵所賣  
焦餽即其物但較小耳糖  
出南方煎蔗為之絕甘 帝頗覺之庚子大漸口授遺

詔五百餘言且曰朕子年幼未堪當國魯公朕之介弟

杜預曰寬仁大度海內共聞能弘我周家必此子也  
介大也 弘大

也世宗之知武帝史所  
謂明敏有識孰大於此 辛丑殂 年二  
十七 魯公幼有器質持

為世宗所親愛朝廷大事多與之參議性深沈有遠識

沈持非因顧問終不輒言世宗每歎曰夫人不言言必  
林翻

有中

引論語孔子之言  
夫音扶中竹仲翻

壬寅魯公即皇帝位

諱邕字彌  
羅突安定

公泰之第  
四子也

大赦

五月壬子齊以開府儀同三司劉洪

徽為尚書右僕射

侯安都父文捍為始興內史卒官

卒官卒於官  
也卒子恤翻

上迎其母還建康母固求停鄉里乙卯為

置東衡州

梁先已置東衡州於始興蓋  
中廢而今復置也為偽翻

以安都從弟曉

為刺史

從才  
用翻

安都子祕纔九歲上以為始興內史並令

在鄉侍養

以安都能定策以安國  
家故寵之養余亮翻

六月壬辰詔葬梁

元帝於江寧

梁敬帝太平二年周人歸元帝之  
柩於王琳琳敗陳人乃得而葬之

車旗禮

章悉用梁典 齊人收永安上黨二王遺骨葬之

齊二王死

見上卷武帝永定二年

敕上黨王妃李氏還第馮文洛尚以故意

脩飾詣之妃盛列左右立文洛於階下數之曰遭難流

離

數所具翻難乃旦翻

以至大辱志操寡薄不能自盡

言不能自殺也

幸

蒙恩詔得反藩闡

藩闡言藩王之閨闡也

汝何物奴猶欲見侮杖

之一百血流灑地 秋七月丙辰封皇子伯山為鄱陽

王 齊丞相演以王晞儒緩恐不允武將之意

將即亮翻

每

夜載入晝則不與語嘗進晞密室謂曰比王侯諸貴每

見敦迫

比毘至翻

言我違天不祥恐當或有變起吾欲以法

繩之何如晞曰朝廷比者疎遠親戚殿下倉猝所行非

復人臣之事芒刺在背

用漢霍光事遠於願翻復扶又翻

上下相疑何

由可久殿下謙退批糠神器實恐違上元之意

上元墜天也

先帝之基

先帝謂高歡

演曰卿何敢發此言須致卿於法晞

曰天時人事皆無異謀是以敢冒犯斧鉞抑亦神明所

贊耳演曰拯難匡時

難乃旦翻

方俟聖哲吾何敢私議幸勿

多言丞相從事中郎陸杳將出使

使疏吏翻

握晞手使之勸

進晞以杳言告演演曰若內外咸有此意趙彥深朝夕

左右何故初無一言

史言演非不欲纂特覘衆心

晞乃以事隙密問

彥深

事隙公事之隙少暇之時也

彥深曰我比亦驚此聲論

聲論謂輿論皆

歸演聲滿朝野也此毘至翻

每欲陳聞則口噤心悸

噤其禁翻悸其季翻

弟既

發端吾亦當昧死一披肝膽因共勸演演遂言於太皇

太后趙道德曰相王不效周公輔成王

演為丞相故呼之為相王演於

齊主居親親之地猶周公之於成王而不能以周公自任故趙道德責之

而欲骨肉相奪不

畏後世謂之篡邪太皇太后曰道德之言是也未幾

幾居

豈翻

演又啓云天下人心未定恐奄忽變生須蚤定名位

太皇太后乃從之八月壬午太皇太后下令廢齊主為

濟南王出居別宮

濟子禮翻

以常山王演入纂大統且戒之

曰勿令濟南有他也

為演殺濟南王太后怒張本

肅宗即皇帝位於

晉陽

諱演字延安勃海王歡弟六子文宣帝之母弟也

大赦改元皇建太皇太

后還稱皇太后皇太后稱文宣皇后宮曰昭信乙酉詔

紹封功臣禮賜耆老延訪直言褒賞死事追贈名德帝

謂王晞曰卿何為自同外客畧不可見自今假非局司



但有所懷隨宜作一牒

毛晃曰牒書板小簡也

候少隙即徑進也

少隙言少有間隙也少詩沼翻

因敕與尚書陽休之鴻臚卿崔劼等三

人

臚陵如翻劼邱八翻

每日職務罷並入東廊共舉錄歷代禮樂

職官及田市徵稅或不便於時而相承施用或自古為

利而於今廢墜或道德高雋久在沈淪

沈持林翻下沈敏同

或巧

言眩俗妖邪害政者悉令詳思以漸條奏朝晡給御食

畢景聽還

景日景日入而後聽還私舍故云畢景聽還於驕細晡奔謨翻

帝識度沈

敏少居臺閣明習吏事即位尤自勤勵大革顯祖之弊

時人服其明而譏其細

人君而親小事為細所謂

嘗問

舍人裴澤在外議論得失澤率爾對曰陛下聰明至公

自可遠侔古昔而有識之士咸言傷細帝王之度頗為

未宏帝笑曰誠如婦言朕初臨萬機慮不周悉故致爾

耳

顏之推曰如是為爾而已為耳

此事安可久行恐後又嫌疎漏澤由

是被寵遇庫狄顯安侍坐

被皮義翻坐徂卧翻

帝曰顯安我姑之

子

庫狄顯安父干娶勃海王歡之妹樂陵長公主

今序家人之禮除君臣之敬

可言我之不逮顯安曰陛下多妄言帝曰何故對曰陛

下昔見文宣以馬鞭撻人常以為非今自行之非妄言邪帝握其手謝之又使直言對曰陛下太細天子乃更似吏帝曰朕甚知之然無法日久將整之以至無為耳

又問王晞晞曰顯安言是也顯安干之子也羣臣進言

帝皆從容受納

從干容翻

性至孝太后不豫帝行不能正履

容色貶悴

悴秦醉翻

衣不解帶殆將四旬太后疾小增即寢

伏閣外食飲藥物皆手親之太后嘗心痛不自堪帝立

侍帷前以爪掐掌代痛

掐苦洽翻

血流出袖友愛諸弟無君

臣之隔戊子以長廣王湛為右丞相平陽王淹為太傅

彭城王浹為大司馬

浹夷周翻

周軍司馬賀若敦

唐六典曰周官

大司馬屬官有軍司馬下大夫蓋兵部郎中之任也後周依周官其爵列中大夫也六命若人者翻帥眾

一萬奄至武陵

帥讀曰率

武州刺史吳明徹不能拒引軍還

巴陵 江陵之陷也巴湘之地皆入於周周使梁人守

之太尉侯瑱等將兵逼湘州賀若敦將步騎救之乘勝

深入

按賀若敦傳屢戰破瑱乘勝深入

軍於湘川九月乙卯周將獨孤

盛將水軍與敦俱進辛酉遣儀同三司徐度將兵會侯

填於巴邱

將即亮翻

會秋水汎溢盛敦糧援斷絕分軍抄掠

以供資費

抄楚交翻

敦恐填知其糧少乃於營內多為土聚

覆之以米

少詩沼翻覆敦又翻此檀道濟量沙之故智也

召旁村人

營旁之村人也陽

有訪問隨即遣之填聞之良以為實敦又增脩營壘造

廬舍為久留之計湘羅之間遂廢農業

梁置湘州於長沙置羅州於湘

陰縣

填等無如之何先是土人亟乘輕船

先悉薦翻亟去吏翻數也載

米粟雞鴨以餉填軍敦患之乃偽為土人裝船伏甲士

於中填軍人望見謂餉船之至逆來爭取敦甲士出而

擒之

唐裴行儉詐為糧車以破突厥亦用此策

又敦軍數有叛人乘馬投瑱

者敦乃別取一馬牽以趣船令船中逆以鞭鞭之如是

者再三馬畏船不上

數所角翻趣七喻翻上時掌翻

然後伏兵於江岨

使人乘畏船馬以招瑱軍詐云投附瑱遣兵迎接競來

牽馬馬既畏船不上伏兵發盡殺之此後實有饋餉及

亡降者瑱猶謂之詐並拒擊之冬十月癸巳瑱襲破獨

孤盛於楊葉洲

據姚思廉陳書楊葉洲在西江口西江謂湘江也

盛收兵登岨

築城自保丁酉詔司空侯安都帥衆會瑱南討

帥讀曰率

十一月辛亥齊主立妃元氏為皇后世子百年為太子

百年時纔五歲齊主徵前開府長史盧叔虎為中庶子

太子中庶子職如侍中後齊門下坊之長也

叔虎柔之從叔也

從才用翻

帝問時

務於叔虎叔虎請伐周曰我彊彼弱我富彼貧其勢相

懸然干戈不息未能并吞者此失於不用彊富也

以當時東

西二國觀之齊若富彊而其根本實撥周若貧弱而其根本實牢若齊孝昭欲用其富彊周固有以待之輕

兵野戰勝負難必是胡騎之法非萬全之術也宜立重

鎮於平陽與彼蒲州相對

魏神龜元年置雍州於河東延和元年改曰秦州太和中

罷魏既分為東西東魏天平初復置秦州於河東沙苑敗後河東之地入於西魏後周因蒲坂舊名而置蒲州

深溝高壘運糧積甲彼閉關不出則稍蠶食其河東之

地日使窮蹙若彼出兵非十萬以上不足為我敵所損

糧食

損當作資

咸出關中我軍士年別一代

一年一更成也

穀食豐

饒彼來求戰我則不應彼若退去我乘其弊自長安以

西民疏城遠敵兵來往實自艱難與我相持農業且廢

不過三年彼自破矣帝深善之齊主自將擊庫莫奚

將即亮

至天池庫莫奚出長城北遁

此文宣帝所

齊主



分兵追擊獲牛羊七萬而還

還從宣翻又如字

十二月乙未

詔自今孟春訖於夏首大辟事已款者

已款謂囚已款服也今人謂獄

辭為獄款辟毘至翻

宜且申停

及秋冬乃行刑也

己亥周巴陵城主尉

遲憲降

尉紆勿翻降戶江翻

遣巴州刺史侯安鼎守之庚子獨孤

盛將餘衆自楊葉洲潛遁

賀若敦之勢愈孤矣

丙午齊主還晉

陽齊主斬人於前問王晞曰是人應死不

不讀曰否齊主以文宣殺

人多非其罪自謂誅當其罪故以問晞

晞曰應死但恨死不得其地耳臣

聞刑人於市與衆棄之

記王制之言

殿庭非行戮之所帝改

容謝曰自今當為王公改之

偽翻為於

帝欲以晞為侍郎

北按

史王晞傳侍郎當作侍中

苦辭不受或勸晞勿自踈晞曰我少年以

來閱要人多矣

少詩照翻要入謂位居勢要者

得志少時鮮不顛覆

少時

言不多時也少始

且吾性實疎緩不堪時務人主恩私

何由可保萬一披猖求退無地非不好作要官但思之

爛熟耳

好呼到翻

初齊顯祖之末穀糴踊貴濟南王即位

禮翻

尚書左丞蘇珍芝建議脩石鼃等屯自是淮南軍

防足食

杜佑曰石鼃在楚州安宜縣西八十里鄧艾築城於此作白水塘北接連洪澤屯田一萬三千

項安宜唐寶應元年改為寶應縣

肅宗即位平州刺史嵇曄建議開督

亢陂置屯田歲收稻粟數十萬石北境周贍

督亢陂在唐涿州新

城縣界燕荆軻獻圖於秦即此地亢音剛

又於河內置懷義等屯以給河南

之費

齊分河內汲郡為義州置懷義等屯

由是稍止轉輸之勞

此是五代志序齊濟

南王至孝昭時軍餉鑑取之附見於此

二年春正月戊申周改元保定以大冢宰護為都督中

外諸軍事令五府總於天官事無巨細皆先斷後聞

五府

地官春官夏官秋官冬官府也史言宇文護之權愈重斷丁亂翻

庚戌大赦周主

祀圜丘 辛亥齊主祀圜丘壬子禘於太廟 周主祀

方丘甲寅祀感生帝於南郊

用鄭玄之說祀感生帝乙靈威仰於南郊以祈穀

卯祭太社 齊主使王琳出合肥召募僉楚更圖進取

僉助庚翻

合州刺史裴景徽

考異曰北齊書作景暉今從陳書

琳兄珉之壻

也請以私屬為鄉導

鄉讀曰嚮

齊主使琳與行臺左丞盧潛

將兵赴之琳沈吟不決景徽恐事泄挺身奔齊

按梁置合州於

合肥侯景之亂已入於齊齊之境土南盡歷陽陳蓋僞置合州於江濱以景徽為刺史沈持林翻

齊主

以琳為驃騎大將軍開府儀同三司揚州刺史鎮壽陽

己巳周主享太廟班太祖所述六官之法

宇文泰廟號太祖泰

之相魏也建六官述周禮六典以為六官之法

辛未周湘州城主殷亮降

降戶

江翻下同

湘州平侯瑱與賀若敦相持日久瑱不能制乃借

船送敦等渡江

按賀若敦傳借船之上求字

敦慮其詐不許報云湘

州我地為爾侵逼必須我歸可去我百里之外瑱留船

江岍引兵去之敦乃自拔北歸軍士病死者什五六武

陵天門南平義陽河東宜都郡悉平

五代志澧陽郡孱陵縣舊置南平郡

安鄉縣舊置義陽郡南郡松滋縣舊置河東郡宋白曰澧陽郡安鄉縣本漢孱陵縣地後漢為漢壽縣地晉曾

立義陽郡晉公護以敦失地無功除名為民 二月甲午周

主朝日於東郊

三代之禮春朝朝日秋暮夕月周人慕古舉行其禮朝直遙翻

周人

以小司徒韋孝寬嘗立勲於玉壁

事見一百五十九卷梁武帝中大同元年

後周之制小司徒六命工大夫也

乃置勲州於玉壁以孝寬為刺史孝

寬有恩信善用間諜

間古寬翻

或齊人受孝寬金貨遙通書

疏故齊之動靜周人皆先知之有主帥許盆以所戍城

降齊孝寬遣謀取之俄斬首而還

帥所類翻謀徒協翻

離石以南

生胡數為抄掠

五代志離石郡後齊置西汾州生胡即稽胡之不附屬周者數所角翻抄撻交

翻而居於齊境不可誅討孝寬欲築城於險要以制之

乃發河西役徒十萬甲士百人

河西龍門河之西也

遣開府儀同

三司姚岳監築之岳以兵少懼不敢前

監工銜翻少詩治翻

孝寬

曰計此城十日可畢城距晉州四百餘里吾一日創手

二日敵境始知設使晉州徵兵三日方集謀議之間自

稽二日計其軍行二日不到我之城隍足得辦矣乃令

築之齊人果至境上疑有大軍停留不進其夜孝寬使

汾水以南傍介山稷山諸村縱火

傍蒲浪翻唐志蒲州萬泉縣有介山介子

推隱處稷山縣有稷山

齊人以為軍營收兵自固岳卒城而還

子卒

翻

三月乙卯太尉零陵壯肅公侯瑱卒 丙寅周改

八丁兵為十二丁兵率歲一月而役

八丁兵者凡境內民丁分為八番遞

上就役十二丁兵者分為十番月上就役周而復始

夏四月丙子朔日有食

之

周以少傅尉遲綱為大司空

尉紆勿翻

丙午周封愍

帝子康為紀國公皇子贇為魯公贇李后之子也

贇於倫翻

六月乙酉周使御正殷不害來聘

周書申徽傳曰御正任專絲綸蓋中

書舍人之職也北史盧辯傳武成元年增置御正四人位上大夫考之唐六典則曰後周依周官春官府置內

欽定四庫全書

資治通鑑

二十四



史中大夫掌王言蓋比中書監令之任後又增為上大夫小史下大夫比中書侍郎之任小史上士比中書舍人之任然則為御正者亦代言之職在帝左右又親密於中書杜佑通典御正屬天官府 秋七月

周更鑄錢

衡工更翻

文曰布泉一當五與五銖並行 已酉

周追封皇伯父顥為邵國公以晉公護之子會為嗣顥弟連為杞國公以章武公導之子亮為嗣連弟洛生為

莒國公以護之子至為嗣追封太祖之子武邑公震為

宋公以世宗之子實為嗣

顥與衛可孤戰歿有子什肥導護什肥與其叔連皆為高

歡所殺無後故以會亮嗣之洛生為爾

齊主之誅楊

朱榮所殺震早卒皆無後故亦立嗣

燕也

燕因肩翻

許以長廣王湛為太弟既而立太子百年湛

心不平帝在晉陽湛居守於鄴

楊燕謂楊愔燕子獻守手又翻

散騎常

侍高元海高祖之從孫也

高歡廟號高祖元海父思宗歡之從子散悉賈翻騎奇寄

翻從才用翻

留典機密帝以領軍代人庫狄伏連為幽州刺

史斛律光之弟羨為領軍以分湛權湛留伏連不聽羨

視事

齊主以伏連代羨為幽州以羨代伏連為領軍以分鄴下之權湛知其故乃留伏連不使之幽州而

羨至又不聽其視領軍府事

先是濟南閔悼王常在鄴

濟南王殷諡閔悼先悉薦

翻濟子禮翻

望氣者言鄴中有天子氣平秦王歸彥恐濟南

復立為已不利

齊主藉歸彥握兵以殺楊燕揚燕死而濟南廢矣故恐其復立為已不利復扶

又翻

勸帝除之帝乃使歸彥至鄴徵濟南王如晉陽湛內

不自安問計於高元海元海曰皇太后萬福至尊孝友

異常殿下不須異慮湛曰此豈我推誠之意邪元海乞

還省一夜思之湛即留元海於後堂元海達旦不眠唯

遶牀徐步夜漏未盡湛遽出曰神算如何元海曰有三

策恐不堪用耳請殿下如梁孝王故事從數騎入晉陽

先見太后求哀

梁孝王事見十六卷漢景帝中二年

後見主上請去兵權

見賢遍翻  
去羌呂翻

以死為限不干朝政

朝直遙翻

必保太山之安此

上策也不然當具表云威權太盛恐取謗衆口請青齊

二州刺史沈靖自居

沈持林翻

必不招物議此中策也更問

下策曰發言即恐族誅固逼之元海曰濟南世嫡主上

假太后令而奪之今集文武示以徵濟南之敕執斛律

豐樂

斛律羨字豐樂樂音洛

斬高歸彥尊立濟南號令天下以順

討逆此萬世一時也湛大悅然性怯狐疑未能用使術

士鄭道謙等卜之皆曰不利舉事靜則吉有林慮令潘

子密曉占候

林慮縣漢屬河內郡晉屬汲郡魏敬宗永安元年置林慮郡帶林慮縣應讀如閭

潛謂湛曰宮車當晏駕殿下為天下主湛拘之於內以

候之又令巫覡卜之

覡刑狄翻

多云不須舉兵自有大慶湛

乃奉詔令數百騎送濟南王至晉陽九月帝使人醜之濟南王不從乃扼殺之帝尋亦悔之冬十月甲戌朔

日有食之丙子齊以彭城王浹為太保長樂王尉粲

為太尉

樂音洛下同

齊肅宗出畋有兔驚馬墜地絕肋婁

太后視疾問濟南所在者三齊主不對太后怒曰殺之

邪不用吾言死其宜矣遂去不顧十一月甲辰詔以嗣  
子冲眇可遣尚書右僕射趙郡王叡諭旨徵長廣王湛  
統茲大寶又與湛書曰百年無罪汝可以樂處置之勿  
效前人也樂音洛楚靈王乾谿之役楚人殺其諸子王  
聞之自投於車下曰余殺人子多矣能無及  
此乎齊肅宗殺其兄之子臨終乃  
戒其弟勿殺已之子良可憫笑是日殂於晉陽宮二  
十臨終言恨不見太后山陵

顏之推論曰孝昭天性至孝而不知忌諱乃至於此  
良由不學之所為也

趙郡王叡先使黃門侍郎王松年馳至鄴宣肅宗遺命

湛猶疑其詐使所親先詣殯所發而視之使者復命使疏

吏翻下同湛喜馳赴晉陽使河南王孝瑜先入宮改易禁衛

癸丑世祖即皇帝位於南宮諱湛勃海王歡第九子孝昭帝之母弟南宮晉陽南

也宮大赦改元太寧周人許歸安成王頊頊玉翻使司會

上士杜杲來聘周禮天官之屬有司會凡邦國都鄙官府之治及其財用在書契版圖者皆聽

其會計以歲月日考其成鄭元曰會計也司會主天下之大計計官之長若今尚書余按後周地官即唐戶

部尚書之任司會當如唐之度支郎中而六典不言所以杜佑通典後周司會屬天官府有中大夫上士中士

上悅即遣使報之并賂以黔中地及魯山郡

周得黔中則全有巴

蜀得魯山則全有漢沔故因其所欲而餌之

齊以彭城王浹為太師錄尚

書事平秦王歸彥為太傅尉粲為太保平陽王淹為太

宰博陵王濟為太尉段韶為大司馬豐州刺史婁叡為

司空

五代志上黨郡鄉縣後魏置南垣州尋改曰豐州

趙郡王叡為尚書令任

城王潛為尚書左僕射

任音士潛居諧翻

并州刺史斛律光為

右僕射婁叡昭之兄子也

婁昭婁太后之弟叡昭兄拔之子

立太子百

年為樂陵王 丁巳周主暉於岐陽十二月壬午還長



安 太子中庶子餘姚虞荔御史中丞孔奭以國用不

足奏立煮海鹽賦及榷酤之科

吳王濞煮海為鹽今淮鹽也至此則東南瀕海

煮鹽之地皆歸於筦榷矣酤音固荔力計翻榷古岳翻

詔從之

初高祖以帝女

豐安公主妻留異之子貞臣徵異為南徐州刺史異遷

延不就帝即位復以異為縉州刺史領東陽太守

自侯景之

亂梁南郡王大連之敗留異跨據東陽陳興以為縉州刺史因縉雲山以名州妻七細翻復扶又翻下異復同

異屢遣其長史王漸入朝漸每言朝廷虛弱

漸斯義翻

異信

之雖外示臣節恒懷兩端

恒戶登翻

與王琳自鄱陽信安嶺

潛通使往來

今有嶺路自衢州經信州達於鄱陽使疏吏翻

琳敗上遣左衛將

軍沈恪代異實以兵襲之異出軍下淮以拒恪恪與戰

而敗退還錢塘異復上表遜謝時衆軍方事湘郢乃降

詔書慰諭且羈縻之異知朝廷終將討已乃以兵戍下

淮及建德以備江路

劉昫曰建德縣漢會稽富春縣地吳分置建德縣隋廢唐復置建德

縣為睦州治所

丙午詔司空南徐州刺史侯安都討之

三年春正月乙亥齊主至鄴

自晉陽宮至鄴

辛巳祀南郊壬午

享太廟丙戌立妃胡氏為皇后子緯為皇太子

緯于貴翻后

魏兗州刺史安定胡延之女也戊子齊大赦己亥以

馮翊王潤為尚書左僕射周涼景公賀蘭祥卒

涼國公景

也諡

壬寅周人鑿河渠於蒲州龍首渠於同州

二渠皆以灌溉

丁未周以安成王頊為柱國大將軍遣杜杲送之南

歸

考異曰典畧作杜杲今從周書

辛亥上祀南郊以胡公配天

胡公

始封於陳故郊祀之以配天

二月辛酉祀北郊

閏月丁未齊以太

宰平陽王淹為青州刺史太傅平秦王歸彥為太宰冀

州刺史歸彥為肅宗所厚

歸彥以殺楊燕之功為肅宗所厚

恃勢驕盈

陵侮貴戚世祖即位侍中開府儀同三司高元海御史

中丞畢義雲黃門郎高乾和數言其短

數所角翻

且云歸彥

威權震主必為禍亂帝亦奪其反覆之跡漸忌之

歸彥始為

文宣所親任其後背楊愔附孝昭以成濟南之禍又為孝昭所委信孝昭既殂又迎武成以貪天之功故武成跡其反覆伺歸彥還家召魏收於帝前作詔草除歸彥而忌之

冀州

伺相史翻

使乾和繕寫晝日仍敕門司不聽歸彥輒入

宮時歸彥縱酒為樂經宿不知至明欲參

參朝參也毛晃曰參造也

趨承也

至門知之大驚而退及通名謝敕令早發別賜

錢帛等物甚厚又敕督將悉送至清陽宮

齊有別宮在清淇之陽因

以為名五代志清河郡清陽縣舊曰清河縣後齊省貝邱入焉改為貝邱隋開皇六年改為清陽將即亮翻

拜辭而退莫敢與語唯趙郡王叡與之久語時無聞者

帝之為長廣王也清都和士開以善握槊彈琵琶有寵

辟為開府行參軍及即位累遷給事黃門侍郎高元海

畢義雲高乾和皆疾之將言其事士開乃奏元海等交

結朋黨欲擅威福乾和由是被疎

被皮義翻

義雲納賂於士

開得為兗州刺史

為和士開怙寵亂齊張本

帝徵江州刺史周迪

出鎮湓城

周迪領江州刺史而屯據臨川徵之鎮湓城若以江州授之者

又徵其子入

朝

朝直遙翻下同

迪越且顧望並不至

越子移翻且七余翻越且不進之貌

其餘

南江酋帥私署令長多不受召

酋慈秋翻帥所類翻長知兩翻

朝廷未

暇致討但羈縻之豫章太守周敷獨先入朝進號安西

將軍給鼓吹一部賜以女妓金帛令還豫章

周敷先與周迪分據

臨川既破熊曇朗數移據豫章吹尺瑞翻妓渠綺翻

迪以敷素出已下深不平之

乃陰與留異相結遣其弟方興襲敷敷與戰破之又遣

其兄子伏甲船中詐為賈人欲襲湓城

賈音古

未發事覺

尋陽太守監江州事晉陵華皎遣兵逆擊之盡獲其船

仗

監工  
銜翻

上以閩州刺史陳寶應之父為光祿大夫

五代  
志建

安郡陳置閩州  
陳寶應父羽

子女皆受封爵命宗正編入屬籍而寶

應以留異女為妻陰與異合虞荔弟寄流寓閩中荔思

之成疾上為荔徵之寶應留不遣寄嘗從容諷以逆順

為於偽翻  
從千容翻

寶應輒引它語以亂之寶應嘗使人讀漢書

臥而聽之至蒯通說韓信曰相君之背責不可言蹶然

起坐曰可謂智士寄曰通一說殺三士何足稱智

班固  
曰蒯

通一說而喪三僞應劭注云謂烹酈生  
敗田橫驕韓信也說式芮翻相息亮翻  
豈若班彪王命

識所歸乎

王命論見四十一卷  
漢光武建武五年

寄知寶應不可諫恐禍

及已乃著居士服

著陟  
畧翻

居東山寺陽稱足疾寶應使人

燒其屋寄安臥不動親近將扶之出寄曰吾命有所懸

避將安往

言託跡闕中生死之命  
懸於人手無所避之也

縱火者自救之 乙

卯齊以任城王潛為司徒

任音壬  
潛戶皆翻

齊揚州刺史行

臺王琳數欲南侵尚書盧潛以為時事未可上遣移書

壽陽欲與齊和親潛以其書奏齊朝仍上啟請且息兵



數所角翻上時  
掌翻朝直遙翻

齊主許之遣散騎常侍崔瞻來聘且歸

南康愍王曇朗之喪

曇朗為齊所殺見一百六十六卷梁敬帝太平元年

琳於是

與潛有隙更相表列

衡翻更工

齊主徵琳赴鄴以潛為揚州

刺史領行臺尚書瞻悽之子也

高歡起兵於信都崔悽為參佐悽力膺翻

梁末喪亂鐵錢不行

梁普通中鑄鐵錢喪息浪翻

民間私用鵝眼錢

甲子改鑄五銖錢一當鵝眼之十

考異曰隋志在天嘉五年今從陳帝紀

後梁主安於儉素不好酒色

好呼到翻

雖多猜忌而撫將

士有恩以封疆徧隘邑居殘毀干戈日用鬱鬱不得志

疽發背而殂

年十四

葬平陵諡曰宣皇帝廟號中宗太子

歸即皇帝位

歸字仁遠宣帝之第三子也歸音歸又區胃翻

改元天保尊龔太

后為太皇太后王后曰皇太后母曹貴嬪為皇太妃

嬪昆

賓翻

二月丙子安成王頊至建康詔以為中書監中衛

將軍上謂杜杲曰家弟今蒙禮遣實周朝之惠然魯山

不返亦恐未能及此

言若不賂以魯山亦恐未及遣杲安成王還也朝直遙翻下同

杲

對曰安成長安一布衣耳而陳之介弟也

介大也

其價豈

止一城而已哉本朝敦睦九族恕已及物上遵太祖遺

旨下思繼好之義

好呼到翻

是以遣之南歸今乃云以尋常

之土易骨肉之親非使臣之所敢聞也

使疏吏翻

上甚慚曰

前言戲之耳待杲之禮有加焉項妃柳氏及子叔寶猶

在穰城上復遣毛喜如周請之

項吁玉翻復扶又翻

周人皆歸之

丁丑以安右將軍吳明徹為江州刺史督高州刺史

黃法氈

氈巨俱翻

豫章太守

守式又翻

周敷共討周迪

甲申大

赦留異始謂臺軍必自錢塘上既而侯安都步由諸

暨出永康

上時掌翻諸暨縣自漢以來屬會稽郡永康縣吳赤烏八年分上虞烏傷立屬東陽郡自

永安至東陽一百九里異大驚奔挑枝嶺於巖口豎柵以拒之而堅

主安都為流矢所中血流至踝中竹仲翻踝胡瓦翻足跟也乘輿指

麾容止不變因其山勢迤而為堰迤側百翻迤也堰於建翻會潦水

漲滿安都引船入堰起樓艦與異城等發拍碎其樓堞

潦盧皓翻艦戶異與其子忠臣脫身奔晉安依陳寶應

安都虜其妻及餘子盡收鎧仗而還鎧可亥翻還從宣翻又音如字異

黨向文政據新安上以貞毅將軍程文季為新安太守

梁置貞毅將軍班第二十二在五帥精甲三百輕往攻

德將軍之下陳制擬官品第五

資治通鑑

三十四

之文政戰敗遂降文季靈洗之子也

陳氏建國程靈洗蕭摩訶等俱為健

將帥讀曰率

降戶江翻

夏四月辛丑齊武明婁太后殂齊主不

改服緋袍如故未幾

未幾言未幾時也幾居豈翻

登三臺置酒作樂

宮女進白袍帝投諸臺下散騎常侍和士開請止樂帝

怒搃之

和士開長君之惡者也自此益無所忌憚矣

乙巳齊遣使來聘

使疏

吏翻下同

齊青州上言河水清齊主遣使祭之改元河清

先是周之君臣受封爵者皆未給租賦

先悉薦翻

癸亥始

詔柱國等貴臣邑戶聽寄食佗縣

五月庚午周大赦

己丑齊以右僕射斛律光為尚書令 壬辰周以柱

國楊忠為大司空六月己亥以柱國蜀國公尉遲迴為

大司馬

尉紆  
勿翻

秋七月己丑納太子妃王氏金紫光祿

大夫周之女也

姚思廉陳  
書周作固

齊平秦王歸彥至冀州內

不自安欲待齊主如晉陽乘虛入鄴其郎中令呂思禮

告之

此王國郎  
中令也

詔大司馬段韶司空婁叡討之歸彥於

南境置私驛聞大軍將至即閉城拒守長史宇文弼

等不從皆殺之歸彥自稱大丞相有衆四萬齊主以都

官尚書封子繪冀州人祖父世為本州刺史得人心繪

父隆之祖回皆為冀州刺史使乘傳至信都傳張巡城諭以禍福吏

民降者相繼城中動靜大小皆知之歸彥登城大呼云

降戶江翻孝昭皇帝初崩六軍百萬悉在臣手投身向

鄴奉迎陛下當時不反今日豈反邪正恨高元海畢義

雲高乾和誑惑聖上疾忌忠良但為殺此三人誑居况

偽即臨城自刎刎扶既而城破單騎北走至交津獲之

水經注衡漳水逕武邑郡南又東逕武強縣北又東北逕武隧縣故城南白馬河注之水上承呼沱東逕樂鄉

縣北饒陽縣南又東南逕武邑郡  
北而東入衡漳水謂之交津口  
鎖送鄴乙未載以露

車銜木面縛

李百藥北齊書  
銜木作銜枚

劉桃枝臨之以刃擊鼓隨

之并其子孫十五人皆棄市命封子繪行冀州事齊主

知歸彥前譖清河王岳

事見一百六十六卷  
梁敬帝紹泰元年

以歸彥家

良賤百口賜岳家贈岳太師丁酉以段韶為太傅婁叡

為司徒平陽王淹為太宰斛律光為司空趙郡王叡為

尚書令河間王孝琬為左僕射 癸亥齊主如晉陽

上遣使聘齊 九月戊辰朔日有食之 以侍中都官



尚書到仲舉為尚書右僕射丹陽尹仲舉溉之弟子也

到溉彥之之曾孫梁初以文學顯以廉白稱

吳明徹至臨川攻周迪不能

克丁亥詔安成王項代之

考異曰陳書帝紀云丁亥迪請降詔安成王諱督衆軍

以招納之今從南史迪傳

冬十月戊戌詔以軍旅費廣百姓空虛

凡供乘輿飲食衣服及宮中調度悉從減削

乘繩證翻調徒鈞翻

至於百司宜亦思省約 十一月丁卯周以趙國公招

為益州總管 丁丑齊遣兼散騎常侍封孝琰來聘

十二月丙辰齊主還鄴

自晉陽還鄴

齊主逼通昭信李后

文宣

李后宮  
曰昭信

曰若不從我我殺爾兒后懼從之既而有娠太

原王紹德至閣不得見

見賢  
遍翻

愠曰兒豈不知邪姊腹大

故不見兒后大慚由是生女不舉帝橫刀詔曰

詔時  
候翻殺

我女我何得不殺爾兒對后以刀環築殺紹德后大哭

帝愈怒裸后亂搗之后號天不已帝命盛以絹囊

號后  
刀翻

盛時  
征翻流血淋漓投諸渠水良久乃蘇犢車載送妙勝寺

為尼

武成之淫虐文宣教  
之也是以詩貴正始

資治通鑑卷一百六十八

欽定四庫全書

史部

資治通鑑卷一百六十九

七十

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣曹方昇

欽定四庫全書

資治通鑑卷一百六十九

宋司馬光撰

胡三省音註

陳紀三

起昭陽協洽盡柔兆開茂凡四年

世祖文皇帝下

天嘉四年春正月齊以太子少傅魏收兼尚書右僕射

時齊主纘日酣飲朝事專委侍中高元海

酣戶甘翻朝直遙翻下同

元海庸俗帝亦輕之以收才名素盛故用之而收畏懦

避事尋坐阿縱除名

考異曰北齊書帝紀正月乙亥收為僕射已卯除名相去五日不

容如此之速恐誤今去其日

兗州刺史畢義雲作書與高元海論叙

時事元海入宮不覺遺之給事中李孝貞得而奏之帝

由是疎元海以孝貞兼中書舍人徵義雲還朝和士開

復譖元海

復扶又翻

帝以馬鞭箠元海六十責曰汝昔教我

反

事見上卷二年箠止茲翻

以弟反兄幾許不義以鄴城兵抗并州

幾許無智

幾居豈翻

出為兗州刺史甲申周迪衆潰脫身

踰嶺奔晉安

臨川郡南城縣有東興嶺通晉安

依陳寶應官軍克臨川

獲迪妻子寶應以兵資迪留異又遣子忠臣隨之虞寄

與寶應書以十事諫之曰自天厭梁德英雄互起人人

自以為得之然夷凶翦亂四海樂推者陳氏也

樂音洛豈

非歷數有在惟天所授乎一也以王琳之彊侯瑱之力

進足以搖蕩中原爭衡天下退足以屈彊江外

瑱他旬翻又音

鎮屈其勿翻

雄張偏隅

張知亮翻

然或命一旅之師或資一

士之說琳則瓦解冰泮投身異域瑱則厥角稽顙

書泰誓曰

若崩厥角言如角之崩也孟子曰若崩厥角稽首文雖小異意則大同此止言厥角稽顙當以顙蹶之蹶為義

說式為翻  
稽音啓

委命闕庭斯又天假其威而除其患二也今

將軍以藩戚之重

陳編寶應於屬籍故云然

東南之衆盡忠奉上戮

力勤王豈不勲高竇融

竇融以河西歸漢累世貴盛

寵過吳芮

吳芮以長

沙奉漢高祖賢之制詔御史長沙王忠其定著今至傳國五世

析珪判野

楊雄解嘲曰析人之珪師

古註云析分也判亦分也判野謂畫野分去君國子民而傳之後世也

南面稱孤乎三也

聖朝棄瑕忘過寬厚得人至於余孝頃潘純陀李孝欽

歐陽顏等

朝直遙翻高祖永定元年歐陽顏為周文育所禽潘純陀李孝欽皆王琳將也孝欽及余

孝頃二年為周迪所禽純陀蓋琳敗而歸陳也顏魚委翻悉委以心腹任以爪牙胸



中豁然曾無纖芥况將軍豐非張繡罪異畢諶

張繡殺曹操之

子其後歸曹操厚待之事見漢獻帝紀又標為兖州以畢諶為別駕張邈以兖州叛劫諶母弟妻子操謝遣之諶頓首言無二心既出遂亡去及破呂布諶生得眾為之懼操曰夫人孝於親者豈有不忠於君乎吾所求也以為魯相豐許觀翻諶氏壬翻當何慮於危亡何失於富貴四也方今

周齊鄰睦境外無虞并兵一向匪朝伊夕非劉項競逐

之機楚趙連從之勢

從子容翻

何得雍容高拱坐論西伯哉

五也

范曄論隗囂曰若囂命會符運敵非天力雖坐論西伯豈為過哉注云言不過光武為敵則不謝西

伯也且留將軍狼顧一隅亟經摧衄

亟去吏翻頻數也

聲實虧喪

膽氣衰沮其將帥首鼠兩端唯利是視孰能被堅執銳  
長驅深入繫馬埋輪奮不顧命以先士卒者乎六也

喪息

浪翻沮在呂翻將即亮翻帥所類翻被皮義翻先悉薦翻

將軍之彊孰如侯景將軍

之衆孰如王琳武皇滅侯景於前今上摧王琳於後此

乃天時非復人力

復扶又翻

且兵革已後民皆厭亂其孰能

棄墳墓捐妻子出萬死不顧之計從將軍於白刃之間

乎七也歷觀前古子陽季孟顛覆相尋餘善右渠危亡

繼及

子陽公孫述字季孟隗囂字二人事見漢光武紀餘善右渠事見漢武帝紀

天命可畏

山川難恃況將軍欲以數郡之地當天下之兵以諸侯

之資拒天子之命強弱逆順可得侔乎八也且非我族

類其心必異

左傳季文子引史佚之言

不愛其親豈能及物留將軍

身縻國爵子尚王姬

易曰我有好爵吾與爾縻之子尚王姬謂異子貞臣尚主也

猶

且棄天屬而不顧背明君而孤立危急之日豈能同憂

共患不背將軍者乎

背蒲妹翻

至於師老力屈懼誅利賞必

有韓智晉陽之謀張陳井陘之勢九也

韓智事見一卷周威烈王二十

三年張陳事始皇二世三年終漢高帝三年陘音刑

北軍萬里遠鬪鋒不可當

兵自

建康來建康於晉安為北故曰北軍萬里遠鬪者無反顧之心有必死之志故其鋒不可當

將軍自

戰其地人多顧後衆寡不敵將帥不侔師以無名而出

事以無機而動以此稱兵

稱猶舉也

未知其利十也為將軍

計莫若絕親留氏

竇應娶留異之女為妻

釋甲偃兵一遵詔旨方

今藩維尚少

少詩沼翻

皇子幼冲凡豫宗族皆蒙寵樹況以

將軍之地將軍之才將軍之名將軍之勢而克脩藩服

北面稱臣寧與劉澤同年而語其功業哉

劉澤漢高祖疎屬事見十

三卷漢高后七年

寄感恩懷德不覺狂言斧鉞之誅其甘如薺

齊齊  
濟翻

寶應覽書大怒或謂寶應曰虞公病勢稍篤言多

錯謬寶應意乃小釋亦以寄民望故優容之周梁蹤

公侯莫陳崇從周主如原州

諡法好變動民曰躁

帝夜還長安人

竊怪其故崇謂所親曰吾比聞術者言晉公今年不利

車駕今忽夜還不過晉公死耳

比毗至翻字文護封晉公

或發其事

乙酉帝召諸公於大德殿面責崇崇惶恐謝罪其夜冢

宰護遣使將兵就崇第逼令自殺

護當恐懼脩省引咎避權不當專殺功臣

使疏吏翻將即亮翻

葬如常儀

壬辰以高州刺史王法範為南

徐州刺史臨川太守周敷為南豫州刺史

五代志高涼郡梁置高州

南豫州時治宣

城甌巨俱翻

周主命司憲大夫拓跋廸

唐六典御史大夫秦

官歷晉宋齊梁陳後魏北齊後周並不置大夫而以中丞為臺主後周秋官置司憲中大夫二人掌丞司寇之

法以左右刑罰蓋比御史中丞之職也

造大律十五篇

五代志周造大律凡二十五篇一刑

名二法例三祀享四朝會五婚姻六戶禁七水火八興

繕九衛官十市廛十一關競十二劫盜十三賊叛十四

毀亡十五違制十六關津十七諸侯十八廐牧十九雜

犯二十詐偽二十一請求二十二告言二十三逃亡二

十四繫訊二十五斷獄

其制罪一曰杖刑自十至五十

當從志作二十五篇

二曰鞭刑自六十至百三曰徒刑自一年至五年四曰

流刑自二千五百里至四千五百里五曰死刑磔絞斬

梟裂

古者公族有罪磔於甸人鄭玄曰懸縊殺之曰磔絞者全其身首斬者殊死梟者掛其首於木上裂

者車裂梟

凡二十五等

五刑之屬各有五合二十五等

庚戌以司空

南徐州刺史侯安都為江州刺史 辛酉周詔大冢宰

晉國公親則懿昆

昆兄也

任當元輔自今詔誥及百司文

書並不得稱公名護抗表固讓 三月乙丑朔日有食

之 齊詔司空斛律光督步騎二萬築勲掌城於軹關

五代志軹關在河內郡王屋縣騎奇寄翻軹音只

仍築長城二百里置十二戍

丙戌齊以兼尚書右僕射趙彥深為左僕射

左僕射當作右

僕射蓋先是兼官今正除右僕射也

夏四月乙未周以柱國達奚武為

太保

周主將視學以太傅燕國公于謹為三老

燕因肩翻

謹上表固辭不許仍賜以延年杖戊午帝幸太學謹入

門帝迎拜於門屏之間謹答拜有司設三老席於中楹

南向太師護升階設几謹升席南面憑几而坐大司馬

豆盧寧升階正舄帝升階立於斧扆之前西面

扆屏風也斧扆

畫文為斧形

有司進饌帝跪設醬豆

醬食味之主古之養老執醬而饋今

扆於豈翻



跪而親為之袒割為於偽翻袒割袒而割牲也謹食畢帝親跪授爵

以醕醕羊晉翻以酒漱口也有司撤訖帝北面立而訪道謹起立

於席後對曰木受繩則正后從諫則聖書傳說告高宗之言明王

虛心納諫以知得失天下乃安又曰去食去兵信不可

去論語孔子答子貢之言去羗呂翻願陛下守信勿失又曰有功必賞

有罪必罰則為善者日進為惡者日止又曰言行者立

身之基行下孟翻願陛下三思而言九慮而行勿使有過天

子之過如日月之食人莫不知願陛下慎之帝再拜受

言謹答拜禮成而出

三代而下視學養老乞言之禮惟漢明帝周武帝行之

司

空侯安都恃功驕橫

橫戶孟翻

數聚文武之士騎射賦詩

數所

角翻下又數同騎奇寄翻

齋中賓客動至千人部下將帥多不遵法

度檢問收攝

攝錄也捕也將即亮翻帥所類翻

輒奔歸安都上性嚴整

內銜之安都弗之覺每有表啓封訖有事未盡開封自

書之云又啓某事及侍宴酒酣或箕踞傾倚常陪樂遊

園襍飲

樂音洛

謂上曰何如作臨川王時上不應安都再

三言之上曰此雖天命抑亦明公之力宴訖啓借供帳

水飾欲載妻妾於御堂宴飲上雖許之意甚不懌明日

安都坐於御座賓客居羣臣位稱觴上壽

上時掌翻

會重雲

殿災安都帥將士帶甲入殿上甚惡之陰為之備

此皆日前

事史歷叙安都致敗之由重直龍翻惡鳥路翻

及周廸反朝議謂當使安都討

之朝直遙翻下同

而上更使吳明徹

更工衡翻

又數遣臺使案問安

都部下檢括亡叛

使疏吏翻

安都遣其別駕周宏實自託於

舍人蔡景歷

蔡景歷為中書舍人自武帝以來特蒙親任蓋陳朝事權皆在中書也

并問

省中事景歷錄其狀具奏之因希旨稱安都謀反上慮

其不受召故用為江州五月安都自京口還建康部伍

入於石頭六月帝引安都宴於嘉德殿又集其部下將

帥會於尚書朝堂於坐收安都囚於嘉德西省

坐祖臥翻

又

收其將帥盡奪馬仗而釋之因出祭景歷表以示於朝

乃下詔暴其罪惡明日賜死宥其妻子資給其喪初高

祖在京口

高祖與王僧辯既平臺城出鎮京口

嘗與諸將宴杜僧明周文

育侯安都為壽

奉觴上壽也

各稱功伐

積功曰伐

高祖曰卿等悉

良將也而並有所短杜公志大而識闇狎於下而驕於

上周侯交不擇人而推心過差侯即傲誕而無厭輕佻

而肆志

厭於鹽翻  
佻他彫翻

並非全身之道卒皆如其言

知臣莫若君誠

哉是言也  
卒子恤翻

乙卯齊主使兼散騎常侍崔子武來聘

散悉

亶翻騎奇  
寄翻下同

齊侍中開府儀同三司和士開有寵於齊

主齊主外朝視事及在內宴賞須臾之間不得不與士

開相見或累日不歸一日數入或放還之後俄頃即追

未至之間連騎督趣

趣讀曰促

姦諂百端寵愛日隆前後賞

賜不可勝紀每侍左右言辭容止極諸鄙褻以夜繼晝

無復君臣之禮常謂帝曰自古帝王盡為灰土堯舜桀

紂竟復何異陛下宜及少壯極意為樂縱橫行之

勝音升復

扶又翻少詩照翻  
樂音洛縱子容翻

一日取快可敵千年國事盡付大臣

何慮不辦無為自勤約也帝大悅於是委趙彥深掌官

爵元文遙掌財用唐邕掌外騎兵

外兵及騎兵也勃海王歡相魏丞相府外

兵曹騎兵曹分掌兵馬及文宣受禪諸司咸歸尚書惟此二曹不廢謂之外兵省騎兵省據和士開傳時委邕

掌外兵白建掌騎兵信都馮子琮胡長粲掌東宮帝三四日一視

朝書數字而已

朝直遙翻

畧無所言須臾罷入長粲僧敬之

子也

胡僧敬見一百五十八卷梁武帝大同七年

帝使士開與胡后握槊河

南康獻王孝瑜諫曰皇后天下之母豈可與臣下接手

孝瑜又言趙郡王叡其父死於非命

叡父琛渤海王歡之弟也亂歡後庭

因杖而斃

不可親近

近其新翻

由是叡及士開共譖之士開言孝

瑜奢僭叡言山東唯聞河南王不聞有陛下

齊主多居晉陽在山

西司冀定殷瀛滄之地皆在山東

帝由是忌之孝瑜竊與爾朱御女言

齊制八十一御女比正四品古之御妻也

孝瑜傳云爾朱事太后孝瑜先與之通

帝聞之大怒

飲於禁翻

孝瑜體肥大腰帶十

圍帝使左右婁子彥載以出酖之於車至西華門煩躁

投水而絕

躁則到翻

贈太尉錄尚書事諸侯在宮中者莫敢

舉聲唯河間王孝琬大哭而出

孝琬孝瑜之弟也

秋七月戊

辰周主幸原州

八月辛丑齊以三臺宮為大興聖寺

九月壬戌廣州刺史陽山穆公歐陽頎卒詔子紇襲

父爵位

陽山郡公五代志南海郡含涯縣梁置陽山郡為歐陽紇不就徵阻兵而反張本頎魚委翻紇

下沒翻

甲子周主自原州登隴

登隴坂也

周迪復越東興

嶺為寇

東興嶺在臨川郡南城縣界唐志撫州南城縣武德四年析置永城東興二縣七年省沈約曰



東興縣吳立屬臨川郡復扶又翻

辛未詔護軍章昭達將兵討之時為

護軍將軍

丙戌周主如同州

初周人欲與突厥木杆可

汗連兵伐齊

厥九勿翻杆公旦翻可從刊入聲汗音寒

許納其女為后遣御

伯大夫楊荐

唐六典曰後周天官府置御伯中大夫二人天子出入則侍於左右大祭祀盥洗則

授中武帝改御伯為納言蓋侍中之職也宣帝末又別置侍中為加官

及左武伯太原王

慶

左武伯蓋侍衛之官注見後

往結之齊人聞之懼亦遣使求昏於

突厥賂遺甚厚

使疏吏翻遺子季翻

木杆貪齊幣重欲執荐等送

齊荐知之責木杆曰太祖昔與可汗共敦鄰好

好呼翻蠕

蠕部落數千來降太祖悉以付可汗使者以快可汗之

意

事見一百六十六卷梁敬帝紹泰元年蠕人充翻降戶江翻

如何今日遽欲背恩

忘義獨不愧鬼神乎

背蒲妹翻

木杆慘然良久曰君言是也

吾意決矣當相與共平東賊然後遣女孀等復命

考異曰

典畧在保定二年按王慶傳云是歲乃興入并之役故置於此

公卿請發十萬人擊齊

柱國楊忠獨以為得萬騎足矣戊子遣忠將步騎一萬

與突厥自北道伐齊又遣大將軍達奚武帥步騎三萬

自南道出平陽期會於晉陽

忠將即亮翻又音如字領也騎奇寄翻帥讀曰率下

同

冬十一月辛酉章昭達大破周迪迪脫身潛竄山

谷民相與匿之雖加誅戮無肯言者十二月辛卯周

主還長安

自隴上還

丙申大赦

章昭達進軍度嶺趣建

安討陳寶應

趣七喻翻

詔益州刺史余孝頃

梁元帝之世益州之地已入於

周陳命余孝頃遙領益州刺史耳

督會稽東陽臨海永嘉諸軍自東道

會之

會工外翻

是歲初祭始興昭烈王於建康用天子禮

帝嗣高祖以子伯茂奉始興昭烈王之祀今初以天子禮祀之非禮也

周楊忠拔齊二

十餘城齊人守陁嶺之隘

唐志代州雁門縣有東陁關西陁關陁音刑隘烏解翻

忠擊破之突厥木杆地頭步離三可汗以十萬騎會之

木杆分國為三部木杆牙帳居都斤山地頭可汗統東方步離可汗統西方厥九勿翻杆公旦翻己丑

自恒州三道俱入

恒戶登翻

時大雪數旬南北千餘里平地

數尺齊主自鄴倍道赴之戊午至晉陽斛律光將步兵

三萬屯平陽

拒達奚武之兵也

己未周師及突厥逼晉陽齊主

畏其彊戎服帥宮人欲東走避之趙郡王叡河間王孝

琬叩馬諫孝琬請委叡部分

分扶問翻

必得嚴整帝從之命

六軍進止皆取叡節度而使并州刺史段韶總之

委叡部分

而段韶  
總其事

五年春正月庚申朔齊主登北城

晉陽北城也

軍容甚整突

厥咎周人曰爾言齊亂故來伐之今齊人眼中亦有鐵

何可當邪

厥九勿翻邪音耶

周人以步卒為前鋒從西山下去

城二里許諸將咸欲逆擊之

將即亮翻

段韶曰步卒力勢自

當有限今積雪既厚逆戰非便不如陳以待之彼勞我

逸破之必矣既至齊悉其銳師鼓譟而出突厥震駭引

上西山不肯戰

陳讀曰陣上時掌翻

周師大敗而還

還從宣翻又如字下同

突厥引兵出塞縱兵大掠自晉陽以往七百餘里人畜

無遺

謂晉陽以北七百餘里畜許救翻

段韶追之不敢逼突厥還至陁

嶺凍滑乃鋪氈以度胡馬寒瘦膝已下皆無毛比至長

城

陁音刑比必利翻長城即文宣所築者

馬死且盡截稍杖之以歸達奚

武至平陽未知忠退斛律光與書曰鴻鵠已翔於寥廓

羅者猶視於沮澤

漢司馬相如難蜀父老曰焦明已翔乎寥廓羅者猶視乎藪澤沮將預翻

武得書亦還光逐之入周境獲二千餘口而還光見帝

於晉陽帝以新遭大寇抱光頭而哭任城王湝進曰何

至於此乃止

見賢通翻皆又戶皆翻

初齊顯祖之世周人常懼

齊兵西度每至冬月守河推冰及世祖即位嬖倖用事

朝政漸紊

嬖卑義翻又博計翻朝直遙翻紊音問

齊人推冰以備周兵之

逼斛律光憂之曰國家常有吞關隴之志今日至此而

唯翫聲色乎辛巳上祀南郊二月庚寅朔日有食

之初齊顯祖命羣臣判定魏麟趾格為齊律

見一百六十三

卷梁簡文帝大寶元年

久而不成時軍國多事決獄罕依律文相

承謂之變法從事世祖即位思革其弊乃督脩律令者

至是而成律十二篇

五代志齊律十二篇一名例二禁衛三婚戶四擅興五違制六詐偽

七鬪訟八賊盜九捕斷十毀損十一廐牧十二雜律

令四十卷其刑名有五一曰

死重者輟之

輟胡慣翻即車裂也

次梟首次斬次絞二曰流投邊

裔為兵三曰刑自五歲至一歲四曰鞭自百至四十五

曰杖自三十至十凡十五等

死四等流一等刑五等鞭五等杖三等通十八等今

曰凡十五等通鑑依五代志大凡為十五等之文也梟堅堯翻

其流外官及老小閹癡

老者小者閹者癡者與流外官皆贖鄭玄曰閹精氣閉藏者癡不慧也

并過失應贖者皆

以絹代金三月辛酉班行之因大赦

赦其宿罪此後有犯者皆以法令施



行是後為吏者始守法令又敕仕門子弟常講習之門仕

謂入仕之家故齊人多曉法又令民十八受田輸租調二十

充兵六十免力役六十六還田免租調一夫受露田八

十畝杜佑曰不栽樹者謂之露田婦人四十畝奴婢依

良人言奴婢受田依良人畝數牛受六十畝按五代志丁牛一頭受田六十畝限止四年丁

牛者勝耕之牛牧牛者得受其田大率一夫一婦調絹一匹綿八兩墾

租二石義租五斗奴婢準良人之半奴婢者官常役其力故所調半於良

人牛調二尺墾租一斗義租五升墾租送臺義租納郡

以備水旱

調力  
弔翻

己巳齊羣盜田子禮等數十人共劫

太師彭城景思王洸為主詐稱使者徑向洸第至內室

稱敕牽洸上馬臨以白刃欲引向南殿洸大呼不從洸

周翻使疏吏翻上  
時掌翻呼火故翻

盜殺之

庚辰周初令百官執笏

記玉

藻曰史進象笏書思對命注云意所思念將以告君者也對所以對君也命所受命也書之於笏為失忘也又曰凡有指畫於君前者用笏造受命於君前用笏笏畢用也因飾焉笏度二尺有六寸其中博三寸其殺六分而去一應劭曰昔荆軻逐秦王其後謁者持匕首以備不虞從此侍官皆執刀劔高祖偃武脩文始制手版代焉隋志曰中世以來唯八座尚書執笏笏者白筆綴其頭紫囊裹之其餘公卿但執手版謂之筆笏蓋以記事

受言西魏以降通用象牙五品以下通用竹木爾雅釋名笏忽也君有教命及所白則書其上以備忽忘也唐會要曰笏舊制三品已上前挫後直五品以上前挫後屈武德已來一例上圓下方開元八年諸笏三品已上前挫後直五品已上前挫後挫並用象牙九品已上任用竹木上挫下方另以上聽依品爵執笏假官板亦依此

例 齊以斛律光為司徒武興王普為尚書左僕射普

歸彥之兄子也甲申以馮翊王潤為司空 夏四月辛

卯齊主使兼散騎常侍皇甫亮來聘散悉亶翻 騎奇寄翻 庚子

周主遣使來聘使疏 吏翻 癸卯周以鄧公河南竇熾為大

宗伯五月壬戌封世宗之子賢為畢公 甲子齊主還

鄴

自晉陽遷

壬午齊以趙郡王叡為錄尚書事前司徒婁

叡為太尉甲申以段韶為太師丁亥以任城王潛為大

將軍

潛戶皆翻又音皆

壬辰齊主如晉陽周以太保達奚

武為同州刺史六月齊主殺樂陵王百年時白虹暈

日兩重

重直龍翻

又橫貫而不達赤星見齊主欲以百年獸

之

見賢遍翻獸於叶翻

會博陵人賈德胄教百年書百年嘗作數

教字德胄封以奏之帝發怒使召百年百年自知不免

割帶袂留與其妃斛律氏見帝於涼風堂

見賢遍翻

使百年

書敕字驗與德胄所奏相似遣左右亂捶之又令曳之

遶堂行且捶所過血皆遍地氣息將盡乃斬之

孝昭殺文宣之

子武成又殺孝昭之子天之報應固不爽遺言諄諄竟何益哉捶止藥翻

棄諸池池水盡赤

妃把玦哀號不食

號戶高翻

月餘亦卒玦猶在手拳不可開

其父光自擘之乃開

擘博尼翻分擘也

庚寅周改御伯為納

言 初周太祖之從賀拔岳在關中也遣人迎晉公護

於晉陽

梁武帝中大通二年宇文泰從賀拔岳入關按下護答母書云遠離膝下三十五年逆而數之

正在護母閭氏及周主之姑皆留晉陽

周主之姑蓋宇文泰之妹也

齊人以配中山宮

中山宮慕容氏之故宮自魏以來以為別宮

及護用事遣

間使入齊求之莫知音息

間古覓翻音息猶今人言信息也使疏吏翻下同

齊

遣使者至玉壁求通互市護欲訪求母姑使司馬下大

夫尹公正至玉壁與之言

司馬下大夫即軍司馬之職

使者甚悅勲

州刺史韋孝寬獲關東人復縱之因致書為言西朝欲

通好之意

復扶又翻又音如字為於偽翻好呼到翻下同周在關西故稱西朝朝直遙翻

是時

周人以前攻晉陽不得志謀與突厥再伐齊

厥九翻

齊主

聞之大懼許遣護母西歸且求通好先遣其姑歸秋

八月丁亥朔日有食之 周遣柱國楊忠會突厥伐齊

至北河而還

水經河水東逕沃野故城南又北屈而為南河出焉河水又北逕西溢於麻渾縣故

城東又屈而東流為北河東逕高闕南還從宣翻又音如字

戊子周以齊公憲為

雍州牧

雍於用翻

宇文貴為大司徒九月丁巳以衛公直為

大司空追錄佐命元功封開府儀同三司隴西公李昫

為唐公

錄昫父虎佐命之功也李氏有天下國號曰唐本此昫音丙

太馭中大夫長

樂公若干鳳為徐公

周官太馭中大夫掌馭玉路以祀及祀較屬夏官樂音洛

昫虎

之子鳳惠之子也

李虎始見一百五十六卷梁武帝中大通六年若干惠見一百五十八卷

大同九年

乙丑齊主封其子綽為南陽王儼為東平王儼

太子之母弟也突厥寇齊幽州衆十餘萬入長城大

掠而還周皇姑之歸也齊主遣人為晉公護母作書

言護幼時數事又寄其所著錦袍以為信驗

為於偽翻著陟畧翻

且曰吾屬千載之運

屬之欲翻載子亥翻

蒙大齊之德矜老開恩

許得相見禽獸草木母子相依吾有何罪與汝分離今

復何福還望見汝

復扶又翻又音如字

言此悲喜死而更蘇世間

所有求皆可得母子異國何處可求假汝貴極王公富



過山海有一老母八十之年飄然千里死亡旦夕不得

一朝覩見

覩與暫同

不得一日同處

處昌呂翻

寒不得汝衣饑不

得汝食汝雖窮榮極盛光耀世間於吾何益吾今日之

前汝既不得申其供養

供居用翻養羊亮翻

事往何論今日以後

吾之殘命唯繫於汝爾戴天履地中有鬼神勿云冥昧

而可欺負護得書悲不自勝

勝音升

復書曰區宇分崩遭

遇災禍遠離膝下三十五年

離力智翻

受生稟氣皆知母子

誰同薩保

護字薩保薩桑葛翻

如此不孝子為公侯母為俘隸暑

不見母暑寒不見母寒衣不知有無食不知饑飽泯如

天地之外無由暫聞分懷冤酷終此一生

分扶問翻

死若有

知冀奉見於泉下耳不謂齊朝解網惠以德音磨敦四

姑並許矜放

護兄弟呼其母為阿摩敦四姑即周主之姑也第四朝直遙翻下同

初聞此

旨魂爽飛越

左傳鄭子產曰人生始化曰魄既生魄陽曰魂用物精多則魂魄強是以有精爽至

於神

號天叩地

號戶刀翻

不能自勝

勝音升下足勝同

齊朝需然之

恩既已霑洽有家有國信義為本伏度來期已應有日

朝直遙翻度徒洛翻

一得奉見慈顏永畢生願生死肉骨

生死謂使死者

復生肉骨謂使枯骨再肉

豈過今恩負山戴嶽未足勝荷

勝音升荷下可翻

齊人留護母使更與護書邀護重報往返再三時段韶

拒突厥軍於塞下

厥九勿翻

齊主使黃門徐世榮乘傳齎周

書問韶韶以周人反覆本無信義比晉陽之役其事可

知護外託為相其實主也既為母請和

傳張戀翻比毗至翻相息亮翻

為於偽翻下主為同

不遣一介之使

使疏吏翻下同

若據移書即送其母

恐示之以弱不如且外許之待和親堅定然後遣之未

晚齊主不聽即遣之

護母至長安席未及煖而洛陽之師已出卒如段韶之言閻氏

至周舉朝稱慶周主為之大赦凡所資奉窮極華盛每

四時伏臘周主帥諸親戚行家人之禮稱觴上壽

朝直遙翻

帥讀曰率下同上時掌翻

突厥自幽州還

還從宣翻又如字

留屯塞北更

集諸部兵遣使告周欲與共擊齊如前約閏月乙巳突

厥寇齊幽州晉公護新得其母未欲伐齊恐負突厥約

更生邊患不得已徵二十四軍及左右廂散隸秦隴巴

蜀之兵

二十四軍六柱國及十二大將軍所統關中諸府兵也安定公秦相魏左右各十二軍並屬相

府左右廂禁衛兵也兼有秦隴巴蜀之兵散隸於左右廂者散悉宣翻

并羌胡內附者凡

二十萬人冬十月甲子周主授護斧鉞於廟廷丁卯親

勞軍於沙苑

勞力到翻

癸酉還宮護軍至潼關遣柱國尉遲

迴帥精兵十萬為前鋒趣洛陽大將軍權景宣帥山南

之兵趣懸瓠

山南荆襄之兵尉紆勿翻帥讀曰率下同趣七喻翻

少師楊欒出軹

關

少始照翻攔與標同

周迪復出東興

復扶又翻下衆復同

宣城太守錢

肅鎮東興以城降迪

守式又翻降戶江翻

吳州刺史陳詳將兵擊

之

五代志鄱陽郡梁置吳州陳廢鄱陽之吳州而於吳郡置吳州將即亮翻又音如字領也

詳兵大

敗迪衆復振南豫州刺史西豐脫侯周敷帥所部擊之

諡法無脫諡蓋以周敷輕脫而死故以為諡

至定川

據周敷傳定川縣名

與迪對壘迪

給敷曰吾昔與弟戮力同心

事見一百六十六卷梁敬帝太平元年給蕩亥翻

豈規相害今願伏罪還朝

朝直遙翻

因弟披露心腑先乞挺

身共盟敷許之方登壇為迪所殺

陳寶應據晉安建

安二郡水陸為柵以拒章昭達昭達與戰不利因據上

流命軍士伐木為筏施拍其上會大雨江漲昭達放筏

衝寶應水柵盡壞之

筏音伐壞音怪

又出兵攻其步軍方合戰

上遣將軍余孝頃自海道適至

去年遣孝頃督會稽諸郡兵自東道合攻陳寶

應并力乘之十一月己丑寶應大敗逃至莆口

莆口在唐泉州

莆田縣界莆田今興化軍節其地虞寄傳作莆田音蒲謂其子曰早從虞公計不

至今日昭達追擒之并擒留異及其族黨送建康斬之

異子貞臣以尚主得免寶應賓客皆死上聞虞寄嘗諫

寶應命昭達禮遣詣建康既見勞之曰管寧無恙

漢末管寧

客遼東不受公孫度爵命已而復得還鄉里故以寄况之勞力到翻以為衡陽王掌書記

上子伯信封衡陽王奉獻王昌祀周晉公護進屯弘農尉遲迥圍洛

陽雍州牧齊公憲同州刺史達奚武涇州總管王雄軍

於邙山

雍於用翻  
邙音亡

戊戌齊主遣兼散騎常侍劉逖來

聘

散悉亶翻  
騎奇寄翻

初周楊標為邠州刺史

五代志絳郡垣  
縣後魏置邠郡

及白水縣後周置邠州改白水為  
亳城隋廢州及郡改亳城為垣縣

鎮捍東境二十餘年

數與齊戰

數所  
角翻

未嘗不捷由是輕之既出軹關獨引兵

深入又不設備甲辰齊太尉婁叡將兵奄至大破標軍

標遂降齊

將即亮翻下同  
降戶江翻下同

權景宣圍懸瓠十二月齊豫

州道行臺豫州刺史太原王士良永州刺史蕭世怡並

以城降之景宣使開府郭彥守豫州謝徹守永州

五代  
志汝



南郡城陽縣舊置  
楚州後齊曰永州

送士良世怡及降卒千人於長安周

人為土山地道以攻洛陽三旬不克晉公護命諸將塹

斷河陽路

塹七艷翻  
斷音短

遏齊救兵然後同攻洛陽諸將以

為齊兵必不敢出唯張斤候而已齊遣蘭陵王長恭大

將軍斛律光救洛陽畏周兵之彊未敢進齊主召并州

刺史段韶謂曰洛陽危急今欲遣王救之突厥在北復

須鎮禦如何

復扶  
又翻

對曰北虜侵邊事等亦癰今西隣闕

逼乃腹心之病請奉詔南行齊主曰朕意亦爾乃令韶

督精騎一千發晉陽

騎寄翻

丁巳齊主亦自晉陽赴洛陽

己未齊太宰平原靖翼王淹卒

段韶自晉陽行五

日濟河會連日陰霧壬戌韶至洛陽帥帳下三百騎與

諸將登邙阪觀周軍形勢

邙阪北邙之阪也帥讀曰率

至太和谷與

周軍遇韶即馳告諸營追集騎士結陳以待之

陳讀曰陣下光

陳同韶為左軍蘭陵王長恭為中軍斛律光為右軍周人

不意其至皆恐懼

忪許拱翻

韶遙謂周人曰汝宇文護纔得

其母遽來為寇何也周人曰天遣我來有何可問韶曰

天道賞善罰惡當遣汝送死來耳周人以步兵在前上

山逆戰

上北邙逆齊兵與戰上時掌翻

韶且戰且却以誘之

誘音酉

待其

力弊然後下馬擊之周師大敗一時瓦解投墜谿谷死

者甚衆蘭陵王長恭以五百騎突入周軍遂至金墉城

下城上人弗識長恭免胄示之面乃下弩手救之周師

在城下者亦解圍遁去委棄營幕自邙山至穀水

水經穀水

出弘農澠池縣墻塚林穀陽谷東北過穀城縣北又東過河南縣北東南入於洛

三十里中軍

資器械彌滿川澤唯齊公憲達奚武及庸忠公王雄在

後勒兵拒戰

諡法危身奉上曰忠

王雄馳馬衝斛律光陳光退走

雄追之光左右皆散唯餘一奴一矢雄按稍不及光者

丈餘

稍色角翻

謂光曰吾惜爾不殺當生將爾見天子光射

雄中額雄抱馬走至營而卒

射而亦翻中竹仲翻卒子恤翻

軍中益懼

齊公憲拊循督勵衆心小安至夜收軍憲欲待明更戰

達奚武曰洛陽軍散人情震駭若不因夜速還明日欲

歸不得武在軍久備見形勢公少年未經事

少詩照翻

豈可

以數營士卒委之虎口乎乃還權景宣亦棄豫州走丁

卯齊主至洛陽已巳以段韶為太宰斛律光為太尉蘭

陵王長恭為尚書令

賞戰勝之功也

壬申齊主如虎牢遂自滑

臺如黎陽丙子至鄴楊忠引兵出沃野應接突厥軍糧

不給諸軍憂之計無所出忠乃招誘稽胡酋長咸在坐

此稽胡與離石稽胡同種散居銀夏之間  
誘音酉酋慈秋翻長知兩翻坐徂臥翻

詐使河州刺

史王傑勒兵鳴鼓而至曰大冢宰已平洛陽欲與突厥

共討稽胡之不服者坐者皆懼忠慰諭而遣之於是諸

胡相帥饋輸軍糧填積屬周師罷歸忠亦還

帥讀曰率  
屬之欲翻

晉公護本無將畧是行也又非本心故無功

兵出無名  
事故不成

其字文護之謂  
乎將即亮翻

與諸將稽首謝罪周主慰勞罷之

稽音  
啓勞

力到  
翻

是歲齊山東大水饑死者不可勝計

勝音  
升

宕

昌王梁彌定屢寇周邊周大將軍田宏討滅之以其地

置宕州

宕州在長安西南一千六  
百五十六里宕徒浪翻

六年春正月癸卯齊以任城王湝為大司馬

湝戶皆翻  
又音皆任

音  
壬

齊主如晉陽

二月辛丑周遣陳公純許公貴神

武公竇毅南陽公楊荐等

魏收志朔州有神武郡領尖  
山樹頽二縣水經注樹頽水

出沃陽縣東山下西南流右合誥升爰水其水左合中陵川後魏置神武郡於神武川治尖山縣隋為神武縣屬馬邑郡郡在旬詡備皇后儀衛行殿并六宮百二十人詣突厥

可汗牙帳逆女穀熾之兄子也

熾時為柱國周主既誅宇文護以為太傅

丙寅周以柱國安武公李穆為大司空綏德公陸通為

大司寇

李穆陸通皆縣公也五代志襄陽郡舊有安武縣西魏併為南漳縣雕陰郡有綏德縣西魏置

壬申周主如岐州 夏四月甲寅以安成王顓為司

空顓以帝弟之重勢傾朝野直兵鮑僧叡恃顓勢為不

法

自秦以來王公府皆有直兵

御史中丞徐陵為奏彈之從南臺官

屬引奏案而入

御史臺為南臺

上見陵章服嚴肅為歛容正坐

為於偽翻

陵進讀奏版時項在殿上侍立仰視上流汗

失色陵遣殿中御史引項下殿

殿中侍御史居殿中察非法故使之引項下殿

上為之免項侍中中書監朝廷肅然丙午齊大將軍

東安王婁叡坐事免齊著作郎祖珽有文學多技藝

而疎率無行

珽它鼎翻技渠綺翻行下孟翻

嘗為高祖中外府功曹

高歡

都督中外諸軍事以珽為府功曹

因宴失金巨羅

巨羅孟餞之屬巨普火翻

於珽髻

上得之又坐詐盜官粟三千石鞭二百配甲坊

珽與令史李雙



倉督成祖等作晉州啓請粟三千石玳顯祖時玳為秘  
代功曹趙彥深宣教給之事覺鞭配

書丞盜華林遍畧及有它職當絞除名為民華林遍畧

梁武帝集

諸學士所撰也南人持至鄴下賣之高澄集書吏一日  
一夜寫畢退還其本玳盜遍畧數帙質錢樛蒲重以得

罪至顯祖時又盜遍畧一部及擬補令史十餘人皆有受由是除名顯祖雖憎其數犯法

而愛其才伎令直中書省伎渠世祖為長廣王玳為胡

桃油獻之玳善為胡桃油以塗畫因言殿下有非常骨法孝徵夢

殿下乘龍上天孝徵祖玳字也是時人多以字行上時掌翻王曰若然當使

兄大富貴及即位擢拜中書侍郎遷散騎常侍與和士

開共為姦諂珽私說士開曰君之寵幸振古無比

振古猶云

自古也說式芮翻  
下宜說微說同

宮車一日晚駕

晚晏也義與晏駕同

欲何以克

終士開因從問計珽曰宜說主上云文襄文宣孝昭之

子俱不得立今宜令皇太子早踐大位以定君臣之分

踐慈演翻  
分扶問翻

若事成中宮少主必皆德君此萬全計也請

君微說主上令粗解

少詩照翻粗坐五  
翻解戶買翻曉也

珽當自外上表

論之士開許諾會有彗星見

彗祥歲翻  
見賢遍翻

太史奏云彗除

舊布新之象當有易主珽於是上書言陛下雖為天子

未為極貴宜傳位東宮且以上應天道并上魏顯祖禪

子故事

見一百三十二卷宋明帝泰始六年是上併上時掌翻下公上同

齊主從之內

子使太宰段韶持節奉皇帝璽綬傳位於太子緯太子

即皇帝位於晉陽宮

諱緯字仁綱武成帝之長子也璽斯氏翻綬音受

大赦改

元天統又詔以太子妃斛律氏為皇后於是羣公上世

祖尊號為太上皇帝軍國大事咸以聞使黃門侍郎馮

子琮尚書左丞胡長粲輔導少主出入禁中專典敷奏

子琮胡后之妹夫也祖珽拜秘書監加儀同三司大被

親寵

義翻被皮

見重二宮

丁丑齊以賀拔仁為太師侯莫

陳相為太保馮翊王潤為司徒趙郡王叡為司空河南

王孝琬為尚書令戊寅以瀛州刺史尉粲為太尉斛律

光為大將軍東安王婁叡為太尉

尉粲婁叡並為太尉此承齊紀之誤按尉

聚傳聚為太傅當從之婁叡封郡王五代志郎邪郡沂水縣舊置東安郡

尚書僕射趙彥深

為左僕射

按齊紀彥深自右僕射遷為左僕射

五月突厥遣使至齊

使疏

吏翻始與齊通

六月己巳齊主使兼散騎常侍王季高

來聘秋七月辛巳朔日有食之上遣都督程靈洗

自鄱陽別道擊周廸破之廸與麾下十餘人竄於山穴

中日月浸久從者亦稍苦之

從才用翻

後遣人潛出臨川市

魚鮭

吳人總稱魚菜為鮭音戶皆翻

臨川太守駱牙執之令取廸自效

因使腹心勇士隨之入山其人誘廸出獵

守式又翻誘音酉

勇

士伏於道傍出斬之丙戌傳首至建康 庚寅周主如

秦州八月丙子還長安 己卯立皇子伯固為新安王

伯恭為晉安王伯仁為廬陵王伯義為江夏王

夏戶雅翻

冬十月辛亥周以函谷關城為通洛防以金州刺史賀

若敦為中州刺史鎮函谷

五代志河南郡新安縣後周置中州杜佑在今洛州新安

縣東敦恃才負氣顧其流輩皆為大將軍敦獨未得兼以

湘州之役全軍而返謂宜受賞翻得除名

事見上卷元年二年對

臺使出怨言

使疏吏翻

晉公護怒徵還逼令自殺臨死謂其

子弼曰吾志平江南今而不果汝必成吾志吾以舌死

汝不可不思因引錐刺弼舌出血以誠之

刺七亦翻弼能從父之志

而取江南不能守父之戒而保其身

十一月癸未齊太上皇至鄴齊

世祖之為長廣王也數為顯祖所捶

數所角翻捶止藥翻

心常銜

之顯祖每見祖珽常呼為賊故珽亦怨之且欲求媚於  
世祖乃說世祖曰文宣狂暴何得稱文既非創業何得  
稱祖若文宣為祖陛下萬歲後當何所稱帝從之己丑  
改諡太祖獻武皇帝廟號高祖獻明皇后為武明皇后  
令有司更議文宣諡號說式為翻更工  
衡翻諡神至翻十二月乙卯  
封皇子伯禮為武陵王 壬戌齊上皇如晉陽 庚午  
齊改諡文宣皇帝為景烈皇帝廟號威宗諡法布義行  
剛曰景有功  
安民曰烈猛以彊果曰威有  
威可畏曰威以刑服遠曰威

天康元年

是年二月改元

春正月己卯日有食之

癸未周大

赦改元天和

辛卯齊主祀園丘癸巳禘太廟

五代志齊制園

丘方澤並三年一祭謂之禘祀園丘則以蒼璧束帛正月上辛祀昊天上帝太廟則春祠夏禴秋嘗冬蒸皆以

孟月并臘凡五祭三年一禘五年一禘謂之殷祭

丙申齊以吏部尚書尉瑾

為右僕射

己亥周主耕籍田

籍在亦翻

庚子齊主如晉

陽周遣小載師杜杲來聘

周禮載師掌任土之法以物地事授地職而待其政

令屬地官其官有上士二人中士四人而無大小之別五代志後周置載師掌任土之法辯夫家田里之數會六畜車乘之稽審賦役斂弛之節制畿疆修廣之役頒施惠之要審牧產之政

二月庚戌齊



上皇還鄴

丙子大赦改元

改元天康

三月己卯以安成

王頊為尚書令

丙午周主祀南郊夏四月辛亥大雩

上不豫臺閣衆事並令尚書僕射到仲舉五兵尚書

孔奐共決之奐琇之之曾孫也

孔琇之見一百三十九卷齊明帝建武元年琇

音秀

疾篤奐仲舉與司空尚書令揚州刺史安成王頊吏

部尚書袁樞中書舍人劉師知入侍醫藥樞君正之子

也

袁君正見一百六十三卷梁武帝太清三年

太子伯宗柔弱上憂其不能

守位謂頊曰吾欲遵太伯之事

言以天讓也

頊拜伏泣涕固

辭上又謂仲舉等曰今三方鼎峙四海事重宜須長

君

長知兩翻

朕欲近則晉成遠隆殷法

晉成帝立母弟為嗣事見九十七卷咸康

八年殷法兄死弟及

卿等宜遵此意孔奐流涕對曰陛下御膳違

和瘞復非久

瘞愈也復謂復初瘞且緣翻

皇太子春秋鼎盛聖德日

躋

毛萇曰躋升也鄭元曰言日進也

安成介弟之尊足為周旦若有廢

立之心臣等愚誠不敢聞詔上曰古之遺直復見於卿

復扶又翻

乃以奐為太子詹事

臣光曰夫人臣之事君將順其美正救其惡

孝經記夫子之

言孔奐在陳處腹心之重任

處昌呂翻

決社稷之大計苟

以世祖之言為不誠則當如竇嬰面辯袁盎廷爭

竇嬰

事見十六卷漢景帝三年袁盎事見十二年爭讀曰諍防微杜漸以絕覬覦之

心

覬音冀覦音俞

以為誠邪

邪音耶

則當請明下詔書宣告中

外使世祖有宋宣之美高宗無楚靈之惡

左傳宋宣公舍其子

與夷而立其弟穆公穆公卒捨其子馮而立與夷君子曰宋宣公可謂知人矣立穆公其子饗之楚康王有疾其弟圉入問王疾繙而弑之遂殺其二子幕及平夏而自立是為靈王

不然謂太子

嫡嗣不可動搖欲保輔而安全之則當盡忠竭節如

晉之荀息趙之肥義

左傳晉獻公有疾屬其子奚齊於荀息荀息曰臣竭其股肱之力

繼之以死公薨里克殺奚齊荀息將死之人曰不如立卓子而輔之荀息立卓子以葬獻公里克殺卓子荀息死之肥義事見四卷周報王二十年奈何於君之存則逆探其情而

求合焉

探吐南翻

及其既沒則權臣移國而不能救嗣主

失位而不能死斯乃姦諛之尤者而世祖謂之遺直

以託六尺之孤豈不悖哉

悖蒲內翻

癸酉上殂

殂祚於翻

上起自艱難知民疾苦性明察儉約每

夜刺閨取外事分判者前後相續

以錐繭物曰刺閨宮中小門也就閨中刺

取外事故曰刺  
閏刺七賜翻

敕傳更籤於殿中者必投籤於階石之

上令鎗然有聲

更工衛翻更籤更  
籌也鎗楚庚翻

曰吾雖眠亦令驚覺

覺古  
孝翻

太子即位大赦五月己卯尊皇太后曰太皇太后

皇后曰皇太后

乙酉齊以兼尚書左僕射武興王普

為尚書令

吐谷渾龍涸王莫昌帥部落附於周以其

地為扶州

五代志同昌郡嘉誠縣後周置縣并龍涸郡  
及扶州總管府吐從暉入聲谷音浴帥讀曰

率

庚寅以安成王頊為驃騎大將軍司徒錄尚書都

督中外諸軍事

頊吁玉翻驃匹  
妙翻騎奇寄翻

丁酉以中軍大將軍開

府儀同三司徐度為司空以吏部尚書袁樞為左僕射

吳興太守沈欽為右僕射

守式又翻

御史中丞徐陵為吏部

尚書陵以梁末以來選授多濫乃為書示眾曰梁元帝

承侯景之凶荒王太尉接荊州之禍敗

王太尉謂僧辯也荊州禍敗謂

江陵陷沒也

故使官方窮此紛雜

方法也窮極也

永安之時

南史徐陵傳作

永定永定高祖受禪初元也當從之

聖朝草創白銀難得黃札易營

朝直遙翻

易以豉翻

權以官階代於錢絹致令員外常侍路上比肩諮

議參軍市中無數豈是朝章固應如此

朝直遙翻

今衣冠禮

樂日富年華

謂一日富於一年華於一年也

何可猶作舊意非理望

也衆咸服之

己亥齊立上皇子宏為齊安王仁固為

北平王仁英為高平王仁光為淮南王

六月齊遣兼

散騎常侍韋道儒來聘

散悉賣翻 騎奇寄翻

丙寅葬文皇帝於

永寧陵廟號世祖

秋七月戊寅周築武功等諸城以

置軍士

武功即漢扶風武功縣周紀築武功郿斜谷武都留谷津抗諸城

丁酉立妃王

氏為皇后

臨海王立后

八月齊上皇如晉陽周信州蠻冉令

賢向五子王等據巴峽反

巴峽在巴郡巴縣有明月廣德等峽亦謂之三峽

攻

陷白帝黨與連結二千餘里周遣開府儀同三司元契

趙剛等前後討之終不克九月詔開府儀同三司陸騰

督開府儀同三司王亮司馬裔討之騰軍於湯口

水經江水

自朐腮縣東逕瞿巫灘左則湯溪水注之謂之湯口

令賢於江南據險要置十城

遠結涪陽蠻為聲援

涪鉏蠻翻丁度曰涪陽渚在郢中此蓋荊州蠻也又水經涪水出漢

中南鄭縣東南旱山東北流逕成固縣南城北北至沔陽縣南入於沔水經又曰涪水出作唐縣西北天門郡

界東南流注於澧水九域志江陵府公安縣有涪陽鎮此涪陽當從九域志

自帥精卒固守

水邏城

帥讀曰率邏即佐翻

騰召諸將問計皆欲先取水邏後攻



江南騰曰令賢內恃水邏金湯之固外託涪陽輔車之  
援資糧充實器械精新以我懸軍攻其嚴壘脫一戰不  
克更成其氣不如頓軍湯口先取江南翦其羽毛然後  
進軍水邏此制勝之術也乃遣王亮帥衆度江旬日拔  
其八城捕虜及納降各千計遂間募驍勇

間當作簡  
驍堅堯翻數

道進攻水邏蠻帥冉伯犂冉安西素與令賢有仇騰說  
誘賂以金帛使為鄉導

帥讀曰率說式  
為翻鄉讀曰嚮

水邏之旁有石

勝城令賢使其兄子龍真據之騰密誘龍真龍真遂以

城降水邏衆潰斬首萬餘級捕虜萬餘口令賢走追獲

斬之騰積骸於水邏城側為京觀是後羣蠻望之輒大

哭不敢復叛

觀古玩翻復扶又翻

向五子王據石墨城使其子寶

勝據雙城

今歸州巴東縣北臨大江有鐵鎗頭長數丈經數百年不損目曰向王鎗蓋諸向所據處

也水邏既平騰頻遣諭之猶不下進擊皆擒之盡斬諸

向酋長捕虜萬餘口

酋慈秋翻長知兩翻

信州舊治白帝騰徙之

於八陳灘北

諸葛亮壘石為八陣於魚復平沙之上今謂之八陣磧夔州圖經云八陣磧在奉節

縣西南七里又云在永安宮南一里渚下平磧上聚細石為之各高五丈皆碁布相當中間相去九尺正中開

南北巷悉廣五尺凡六十四聚或為人散亂及為夏水所沒水退則依然如故又有二十四聚作兩層其後每層各十二聚陳讀曰陣以司馬裔為信州刺史小吏部隴西辛昂

周既建六官以六部分屬六官小吏部屬天官奉使梁益且為騰督軍糧使疏吏翻

下同為時臨信楚合等州民多從亂五代志巴東郡臨江縣後周置臨州

巴郡梁置楚州涪陵郡西魏昂諭以禍福赴者如歸乃置合州唐改臨州為忠州

令老弱負糧壯夫拒戰咸樂為用樂音洛使還會巴州萬

榮郡民反五代志清化郡梁置巴州所領永穆縣舊置萬榮郡唐志永穆縣屬通州我朝改通州為

達州攻圍郡城過絕山路昂謂其徒曰凶狡猖狂若待上

聞孤城必陷苟利百姓專之可也遂募通開二州

五代志通

州郡梁置萬州西魏曰通州所領西流縣後魏之漢興縣也西魏置開州唐省西流縣入盛山縣杜佑曰通州

漢宕渠之地梁於此置萬州以州內地萬餘頃故以為名西魏改通州以居四達之地得三千人

倍道兼行出其不意直趣賊壘

趣七喻翻

賊以為大軍至望

風瓦解一郡獲全周朝嘉之以為渠州刺史

五代志宕渠郡梁置

渠州朝直達翻

冬十月齊以侯莫陳相為太傅任城王湝為

太保婁叡為大司馬馮翊王潤為太尉開府儀同三司

韓祖念為司徒庚申帝享太廟十一月乙亥周遣

使來弔

使疏吏翻

丙戌周主行視武功等新城

行下孟翻

十二

月庚申還長安

齊河間王孝琬怨執政

怨讒殺其兄孝瑜也

為

草人而射之

射而亦翻

和士開祖珽譖之於上皇曰草人以

擬聖躬也又前突厥至并州孝琬脫兜鍪抵地

抵諸氏翻側擊

也北齊書作抵丁禮翻

云我豈老嫗須著此物此言屬大家也

威嫗

遇翻著陟略翻屬之欲翻此時已謂天子為大家言比上皇於婦人

又魏世謠言河南種

穀河北生白楊樹上金雞鳴河南北者河間也孝琬將

建金雞大赦耳

五代志曰後齊赦日武庫令設金雞及鼓於闕門外之右集囚於闕前撾鼓千

聲釋焉爾雅翼曰海中星占曰天雞聲動為有赦故後魏北齊赦日皆設金雞揭於竿上皇頗惑

之會孝琬得佛牙置第內夜有光上皇聞之使搜之得

填庫稍幡數百

填讀曰鎮稍色角翻

上皇以為反具收訊諸姬有

陳氏者無寵誣孝琬云孝琬常畫陛下像而哭之其實

世宗像也

孝琬父澄諡文襄皇帝廟號世宗

上皇怒使武衛赫連輔玄

倒鞭撻之

倒鞭者執小頭以大頭撻之

孝琬呼叔上皇曰何敢呼我

為叔孝琬曰臣神武皇帝嫡孫文襄皇帝嫡子魏孝靜

皇帝之甥何為不得呼叔上皇愈怒折其兩脛而死

折而

設翻

安德王延宗哭之淚赤

延宗亦文襄之子幼為文宣所養問欲作何王對曰欲作

衡天王文宣問楊愔愔曰天下無此郡名願使安於德乃封安德王淚赤者泣盡而繼之以血也魏中興初分

樂陵置安德郡

又為草人鞭而訊之曰何故殺我兄奴告之上

皇覆延宗於地馬鞭鞭之二百幾死

幾居依翻

是歲齊賜

侍中中書監元文遙姓高氏

文遙孝昭帝之後黨也

頃之遷尚書

左僕射魏末以來縣令多用廝役

廝音斯今相傳讀從詵入聲

由是

士流恥為之文遙以為縣令治民之本

治直之翻

遂請革選

革更

密擇貴遊子弟發敕用之猶恐其披訴悉召之集

神武門令趙郡王叡宣旨唱名厚加慰諭而遣之齊之  
士人為縣自此始

資治通鑑卷一百六十九